

2 CORINTIOS

2 Corintiosdih jwí tui beh joyát pínah naáwát

¿**Déhe tiguaa daacnji?** Pablo, Dios á jib bohéat túttni nin núodih át daacáp wut jī. Pablo ded pah á jumatdih chah jéihíhna, Romanosdih jwí tui beh joyát pínah naáwát dih ní enee.

¿**Detdih át daacji?** Corinto tútchidih moón Jesúh wādh nih nin núodih át jwúub daac wahap wut jī. (Eneé: 1 Corintiosdih jwí tui beh joyát pínah naáwát.)

¿**Dedmant, débólih cah, át daacji?** Macedonia baác dih jumnit, Pablo nin núodih át daacáp wut jī. (2.13; 7.5) Jópchi 55 á péenachah, (Jesús á wunat túttimah 22 jópchi túttimah) át daacáp wut jī.

¿**Dedé pínah tiguaa át daacji?** 1 Corintiosdih á daac wahat túttimah, caán tútchidih Pablo át juibínah wut jī. Obohjeéhtih, caán láa queétdih á ámoh naáwát dih í jephacap wut jī. Pánihna, Éfeso tútchidih juibínit, queétdih búdí jígahnit, biíh núojíh búdí wēp naóhnit, át daac wahap wut jī. (2.3-4) Caán núodih Titojih át wahap wut jī. (7.11-12) Obohjeéhtih caán núo át buudúp wut jī. Pablo Macedonia baácboó á jumuchah, Tito Corinto tútchina juibíniji caandíh át jwúub jwááap wut jī. Queét Corintodih moón í tui míc á mohatdih Pablodih á naáwáchah yuhna, (2.12-13; 7.5-16) Pablo páantjeh náhninit, queétdih át jwúub daacáp wut jī. Nin 2 Corintios caá á jwúub daacátjī. Biquína judíowā caán tútchidih juibínit, “Pablo Dios á jib bohéat túttni nihcan caá”, queétdih í níj yee naáwáp wut jī. Páant í yee bohéatdihbut Pablo át ámohíhip wut jī.

2 Corintios ded pah á jumat:

1. Pablo á daac jwííhat (1.1-11)
 - a. Á jwííh túyat tútat (1.1-2)
 - b. “Túina caá, Paá”, á níj úubát (1.3-11)
2. Pablo á míc yoób naáwát (1.12—7.16)
 - a. Ded pah á jenah joyát (1.12—2.17)
 - b. Dios á jib bohéat túttni jumna, ded pah á chájat (3.1—6.10)
 - c. Corintodih moón Jesúh wājīh á míc á mohat (6.11—7.16)
3. Bita Jesúh wādh í wahni pínah dinerodih ded pah á á mohat pínah (8.1—9.15)
4. Pablo á jwúub míc yoób naáwát (10.1—12.21)
5. Queétdih á pée naáwát, á túyat tútatbut (13.1-14)

Pablo queétdih á túyat tútat

1 ¹Weém, Pablo, bíhdih daacát túttnit, yeéb Corinto tútchidih moón Jesúh wādh wā wahna caá.* Dios á náahat pah, Jesucristoíh doonádh á naáwát túttni wā jumna caá. Nin núodih wahna, jwí úud panihni Timoteojih yeebdíh búdí jwí túyat túttna caá. Bita Acaya baác dih moón Jesúh wābut nin wā daac wahnidih í joyó naáh. ²Jwí íip, jwí Maáh Jesucristobut yeebdíh búdí oinit, í teo

wáaca naáh, bícdih ní tui jumat pínah níijná.

Ded pah yeejép yapat

³Jwíítdih en jígahnit, Dios á pí teo wáacna caá. Páant á teo wáacachah, caán, jwí Maáh Jesucristo á ípdih búdí wéinit, “Jwíítdih búdí oinit, ma teo wáacat túina caá, Paá”, níj át caá jwíítdih náahap. ⁴Yeejép jwí yapachah, jwíítdih caanjéh á pí tui teo wáacna caá, bita yeejép í yapachah, queétdihbut jwí teo wáacat pínah níijná. ⁵Nin baácboó

* 1.1 Hch 18.1

Jesucristo jum láa, tubit yeejép át yapap wut jí. Áih túini doonádih bohéna, caán Jesús á yapatji pah muntih jwiítbut dawá láa tubit yeejép jwí yapna caá.

Jesucristofh jumna, páant yeejép jwí yapachah, Dios jwiítidih búdí ápi teo wáacna caá. ⁶Pánih yeejép yapna, yeebdfh jwí jéih teo wáacna caá, Diosdih chah ní túi jenah joyát pínah niijná. Yeejép yapna, Dios jwiítidih á teo wáacachah, jwiítbut yeebdfh jwí jéih teo wáacna caá, ní jígahat á yayát pínah niijná. Jwí yeejép yapat pahjeh muntih, yeebbát yeejép ní yapachah, “Dios á túi teo wáacipna caá”, níj jenah joinít, caandfh ní cádahcan niit. ⁷Pánihna, “Weém yeejép wá yapat pahjeh muntih, queébtut yeejép í yapna caá. Dios weemdfh búdí á teo wáacat pah, queétdihbut búdí á teo wáacachah, caandfh í túi jenah jói cádahcan niit”, wá níj jéihna caá.

⁸Buu wá úudwá panihnitá, nindih ní túi náhninaa: Weém Asia baáboó jum láa, tubit yeejép wá yapap jí. “Wá jéih buujácan niit. Wá wunbipna caá.”

⁹Weemdfh í mao yohbipna caá”, wá níj jenah joyóp yuh jí. Obohjeéhtih, Diosboó páant át yapat táutap tají, “Weemjéh wá jenah joyátjih wá jéih chájna caá”, wá níj jenah joicát pínah niijná. Caán, chah wepni jumna, weemdfh á teo wáacat pínahboodfh bidat caá náahap. ¹⁰“Wá jibipboó búdí tobohat á jumuchah yuhna, Dios á teo wáacachah, wá túi yapap jí. Táltimabbut, bíic yooó muntih á túi teo wáacatjih wá túi yapbipna caá”, wá níj jéih caá. ¹¹Yeéb ní wúbúchah, jwiítidih oinit, Diosboó á túi teo wáacipna caá. Páant á teo wáacat doonádih joinít, dawá wúbhnit, “Táina caá, Paá. Pablowádh mat túi teo wáacap wut be”, wéinit, í niijbipna caá.

**Pablo Corinto tútchiboó
á jwúub bejshat**

¹²Biquína níjeéh jumnit weemdfh yeena caá ít chājap. Obohjeéhtih, tíiccanjeh, wéinit, “Dios á teo wáacatjih á náahat

pahjeh queétdih, bitadihbut túinijeh wá pej jum bohénap jí”, wá níj jéihna caá. Weém yeeceanjeh, yeebdfh yoobópdih wá naáwáp jí. Wá jenah joyátjih nihcan, Dios weemdfh oinit, á teo wáacatjih, níjeéh wá túi jumup jí.

¹³⁻¹⁴Yeebdfh naóh daácna, buocannijeh wápi daácna caá, ded pah wá bohétdih ní túi jéihyat pínah niijná. Obohjeéhtih, buu wá naáwátdih ní túi beh joi jwéhcan yuhna, túttimah, ní túi beh joyát pínahdih yeebdfh búdí wá náah yapna caá. Pánih beh joiná, jwí Maáh Jesús á jwúub dei júúwúchah, “Pablo jwiítidih á túi bohénap jí”, weemdfh wéinit, caandfh ní niijbípna caá. Bíic yooó yeebdfh wéinit, “Wá naóhniji túini doonádih queét í túi jepahap jí”, weembát Jesúsdiw wá niijbípna caá.

¹⁵⁻¹⁶Páant ní weñat pínahdih jéihnit, Éfeso tútchiboó jum jwahna, “Queét Corinto tútchidih moón Jesúfhwádh juibí bohénit, Macedonia baácna bohénadh wá bejbipna caá. Macedonia baáboó jumni Judea baácna jwúub bejat táut, queét Corintodih moondfh chéneji teo wáacat táut niijná, queétdih wá en yap bejbipna caá. Í pebh jumni Judea baáboó wá jwúub bejat pínahdih jéihnit, queétoó weemdfh í túi teo wáacipna caá”, wá níj jenah joyóp yuh jí. Obohjeéhtih, pánih jenah joiná yuhna, wá jéih bejcap jí. ¹⁷Ni pebhna wá bejat pínah doonádih joinít, wá juibícah enna, “Pablo nih yáaniabeh tagaá”, chí níj jenah jói niit? ¹⁸Páant ní níj jenah joicá bojóo. Dios á niijátji pahjeh bíic yooó á chájat pah, weembát yeeni nihcan caá.

¹⁹⁻²⁰Weém, Silas, Timoteojihbut Dios wúuh Jesucristo ded pah á chájatjidih yeebdfh jwí bohénap jí. * Jesucristo nin baáboó á cáac jumt pínah játih, Diosboó á wúuh ded pah á chájat pínahdih át naáwáp wut jí. Pánihna, Jesucristo á íp á naáwátji bíic yooó át chájap wut jí. “Jújuh Paá, ma chájat táutatdih wá chájbipna caá”, át níj jepahap wut jí. “Páant wá chájcan niit”, át niijcáp wut jí. Pánihna, “Jesucristo chah Maáh caá”, jwí níj jéihna caá.

* 1.8 1Co 15.32 * 1.15-16 Hch 19.21 * 1.19-20 Hch 18.5

Pánih caandíh túi jenah joinít, ā naáwátidih jepahna, Diosdih weñit, “Yoobópdihi tigaá ā niiját”, jwípi niijná caá. ²¹⁻²²Jesucristodih jwí túi jenah jói cádahcat pínah niijná, Dios jwiítidih, yeebdíhbut ā túi teo wáacna caá. Áihwā jwí jummat pínah niijná, jwiítidih át níwip wut jī. Pánih níonit, jwiítidih búdí teo wáacat náahna, áih Túini Espíritudih át wahap tajī, jwíih caolihboó ā jummat pínah niijná. “Dios pehbhoó ñi jumuchah, yeebdíh chah búdí ā túi chājipna caá”, Túini Espiritu jwiítidih ā niijíchah, jwí túi jéihna caá.*

²³Buu jwuhna, wā jenah joyátjidih wā jwúub túut nuumátdih yeebdíh yoobópdihi wā naóhbiipna caá. Wā yeenachah, Dios wíih jenah joyátdih jéih beedáni, ā peéh chājipna caá. Yeebdíh enedih búdí wā bejihna yuhna, “Weemdíh ennit, queét ī tíchipna caá”, niij jenah joinít, ñi pehbhoó bejcanjeh, nin Macedonia baácna wā jwíih juyúp jī. ²⁴Diosdih jepahnit ñi jumuchah, yeebdíh túbit watni dée ñijeéh wā jumíhcan caá. Obohjeéhtih, ñijeéh túinijeh jumna, yeebdíh búdí wā teo wáaquíhna caá, Diosdih túi jenah jói cádahcanjeh, chah ñi weñat pínah niijná.

2¹Con láa yeebdíh enedih bejna nihna, ñi yéej chājat peéh jūihna, yeebdíh búdí wāta jígaha tagaá. Pánihna, Éfeso tútchiboó jumna, jib bejatdih jenah joinít, “Queétdih jwúub jígahafcan, ī pehbna wā bej jwuhcan níit”, wā niij jenah joyóp jī. ²Yeeb ñi jígahachah ennit, weembút búdí wāta jígah tagaá. Pánih míic jígahanit, jwíta míic jéih jwúub weñacan tagaá. ³⁻⁴Pánihna, ñi pehbna bej jwuhcanjeh, ñi yéej chājatdih ñi cádahat pínah niijná, wā daác wahap jī. Ñi míic ámohat pínah játih bejna nihna, búdí wāta jígahap taga. Pánih búdí jígahna, jūinít, yeebdíh tícaihcan, yeebdíh búdí wā oyatdih ñi jéihyat pínah niijná, páant wā daác wahap jī. Jwí jwúub míic enna, túut nuumnít, túinijeh ñi jumuchah enna, wā túi wēibipna caá. Yeebbút ñi túi wēibipna caá. “Queéthboó túi jepahnit,

túinijeh ī jumbiipna caá”, wā niij jenah joiná caá.

Yéej chājnijidih ī jwúub waadát túutat

⁵Ñijeéh jumni túbit yéej chājni weemdíh ā jígahanap jī. Yeebdíh bácah chah át jígahanap taga. ⁶Jáantjeh yeéb míic wáacnit, ā yéej chājat peéh, caandíh bacanit, ñit jwúub waadát túutcap wut jī. Páant ñi peéh chājatdih náhnit, ā yéejatdih jígahna, át túut nuumúp wut jī. ⁷Buu, ā yéejatdih quíib buadnít, caandíh ñi míic wáacapoó ñi jwúub waadát túutú. Á jígahat yayáchah, jwí Maáhdih ā cádahcat pínah niijná, caandíh ñi túi teo wáacá. ⁸Caandíh túinijeh ñi jwúub pej jumú, “Weemdíh ī túi oina caá”, weñit, ā niij jenah joyát pínah niijná. ⁹Játih yeebdíh daác wahna, “¿Wā wutuchah, ī túi jepahmi níit?” niij jéihíhnit, wā daác wahap jī. Buu ñi jepahatdih jéihna, wā wēina caá. ¹⁰Buu caán ā yéej chājatjidih ñit jenah jói cádahap wut be. Weembút wā jenah jói cádahna caá. Caán weemdíh ā yéej chājcah yuhna, yeebdíh teo wáacat túut niijná, Cristo ā enechah, ā yéejatjidih wā jwúub jenah joicán níit. Páant wā jenah joicátdih ennit, yeebbút ñi jenah jói cádahbiipna caá. ¹¹Páant caán ā yéejatjidih jwiítidih jwúub jenah joicát caá náahap, ā tícat yayáchah, nemépwā ī maáh, Satanás, ā náahat pah ā chājcat pínah niijná. Á yéejatjidih páantjeh jenah joiná, Satanásdih jwíta jepah tagaá. Satanás ded pah jwiít nihadidih ā yéej chājihatdih jéihcannit jwí nihcan caá.

Titodih jwááhcan, Pablo ā náhni dahwaat

¹²Éfeso tútchimant bejni Troas tútchina juibínit, Cristoíh túini doonádih wā naáwáchah, dawá ī túi joyóp jī. “Dios ā teo wáacachah, caandíh jepahnit dawá ī jumna caá”, wā niij wēi jenah joyóp jī. ¹³Páant wā jenah joiná yuhna, wā úud panihni Tito, ñi pehbna wā wahnidih jwááhcan, weémboó búdí wā náhni dahwanap jī. Pánih náhni dahwanit, caanjíh moondíh “Wā bejna caá”, niijnít,

* 1.21-22 Ef 1.14

nin Macedonia baáčboó caandíh bididih wā jūúwúp be.*

**Cristo jwiítđih eníhcannidih
ā yap yohat**

¹⁴Páant wā náhni dahwana yuhna, Cristoíhwā jwí jummatdih jenah joinít, Diosdih búdí wā wēina caá. Cristo Satanásdih yap yohni ā jumchah, Satanás jwiítđih ā yéej chājat tūtuchah yuhna, Cristoíhwā jumna, jwiítbūt caandíh yap yohnit jwí jumna caá. Dios nihatdih Cristofh doonáđih jwiítđih ā naáwát tūtup be, Satanásdih Cristo ā yap yohatjidih ī jéihyat pínah niijná. Pánihna, Cristodih jéihnit, búdí wēinit, nihát caandíh ī tūi jenah joiná caá. ¹⁵Cristofh doonáđih jwí naóh peét bejchah enna, Dios búdí wēinit, “Wā wūáh Cristo panihnit ī jumna caá”, ā niíj jenah joiná nacaá. Biquína jwí naóhni túini doonáđih joinít, tūi jepahnit jumna, iiguípna bejat déejidih Dios ā tūi ũbnit ī jumna caá. Obohjeéhtih, bitaboó, joiná yuhna, ī jepahcat peéh iiguípna bejnit pínah ī jumna caá. ¹⁶Nin pah jwípi níj naóh bohéna caá: “Cristodih ũi jepahcatjī peéh iiguípna bejnit, tūbit yeejép ũi tūbaat ā yaicán niít. Obohjeéhtih, Cristodih tūi jepahnit, Diosh túini pehbóó ũi bejchah, búdí ũi weñat ā yaicán niít”, jwípi níj naóh bohéna caá. Páant, jwí níj naáwáchah joinít, íjnit, biquína ī joíhchah yuhna, bitaboó ī tūi wēi joiná caá. Obohjeéhtih, jwí Maáh Cristo jwiítđih ā teo wáacchah, áih túini doonáđih yoobópdih jwí naóhchah, beh joicán, nihát ita wēi joicán taga. ¹⁷Dios naáwátđih bita bohé jibnitboó, jīb náahna, yoobópdih ī bohécan caá. Obohjeéhtih, páant ī bohéat pah jwiítboó jwí yee bohécan caá. Dios ā naáwát tūtutnit jumna, caán ā enechah jéihnit, yoobópdih jwípi bohéna caá.

**Pablowā Jesúfhwáđih
teo wūhñit ī jummat**

3 ¹Bitā ī niiját pah, “Dedé jéihcat pínah weemdíh wíhcan caá”, weémboó wā niijcán caá. Yeéb weemdíh

tūi jéihna, “Pablowā yoobópdih ípi bohéna caá”, niíj jenah joinít, páant bita ī niíj daác wahatdih ũi náahcan caá. Yeebbát bitadih páant ũi niíj daác wahatdih wā náahcan caá. Obohjeéhtih, bitadih jéihcan, páant daác wahatdih ũita náah taga. ²Yeebdíh jwí bohéniji túini doonáđih joinít, ũi tūtut numúchah ennit, “Dios ā teo wáacatjīh Pablowā queétdih ī naáwáchah joinít, ī jenah joyátđih it tūi tūtut numúp taga”, bita ī niíj jéihna caá. Páant niíj jéihnit, Dios ā bohéat tūtutnit jwí jummatdihbūt ī jéihna caá. ³Pánihna, jwí tūi bohénachah, ũi tūtut numátjī doonáđih joinít, Cristo jwiítđih ā bohéat tūtutjidih nihát ī jéihna caá. Dios báadhni áih Túini Espiritu ā teo wáacatjīh, yeebdíh jwí naáwáchah, ũi tūi jepahap jī. Cristofh doonáđih jwí bohénachah joinít, ũi jwíh tūtut numátjī doonáđih bita ī joyóchah, yeebboó queétdih jwí daác wahat panihnit ũi jumna caá.* ⁴“Cristo jwiítđih ā wun wūhatjīh Dios ā tūi teo wáacna caá”, ũi niíj jenah joyóchah jéihna, jwiítboó “Túini Espiritu búdí ā teo wáacatjīh Dios naáwátđih queétdih jwí tūi bohénap jī”, jwí níj wēi jenah joiná caá. ⁵Pánih wēinit, “Weém wā jenah joyátjīh nindih wā jéih chájna caá”, niijcán, “Dios ā teo wáacatjīh wā bujána caá”, wā níj jéihna caá. ⁶Páant ā teo wáacatjīh áih jáap naáwát, túini doonáđih wā tūi naóhna caá. Jon játih Dios jeé naanáđih ā daacátjidih jwí nuowáđih át jepahat tūtut wut jī. Obohjeéhtih, caán máa wutadidih ī tūi jepahat pínah wēpat queétdidih át wihcap wut jī. Nin jáap naáwátbóđih jwí jepahat pínah niijná, Túini Espiritu jwiítđih ā teo wáacna caá, Diosjeéh jwí tūi jummat pínah niijná.*

⁷⁻⁹Dios ā wutadidih jeé naanáđih daacnit, Moisésdih ā wūhuchah, Dios ā wēpatjīh Moiséh mót búdí át yeh iiguíp wut jī. Moisés jeemánt ā jwúub dei jūúwúchah, áih mót yeh iigát ā baáj jwúub bejchah yuhna, quíib ihana, queét Israel juménáji caandíh it jéih

* 2.12-13 Hch 20.1 * 3.3 Ex 24.12; Jer 31.33; Ez 11.19; 36.26 * 3.6 Jer 31.31

encap wut jī.* Jon Játih Dios ā daácnī wutatdih ā wūhuchah, ājeéh ī tūi jumat pínah niijná, caandíh tūi jepahat āt náahap wut jī. Obohjeéhtih, ī tūi jepahcatji peéh iiguípnā ī bejep wut jī. Páant ī jepahcah yuhna, Moisés ā naóhni wutat tūini ā jumatdih júutna, Dios búdí ā yeh iigát āt jígohop wut jī. Būū lāa jāap naáwát, tūini doonádih Dios ā naáwát tūutuchah, Tūini Espírītu jwī jepahat pínahdih ā teo wáacachah, chah tūini jumna, chah yeh iigát panihni ā jumna caá. Caán jeé naanádih ā daácnī wutatdih jwī tūi jepahcatji peéh iiguípnā jwīta bej taga. Caán wutatdih jepahcan, ājeéh jwī jéih jumcah yuhna, caán wutatdih ā wūhuchah, Dios ā tūi yeh iigát āt jígohop wut jī. Obohjeéhtih, būū lāa Jesucristoíh tūini doonádih jwī jepahachah, iiguípnā jwī bejat déejidih, Tūini Espírītu ā teo wáacatjīh Diosjeéh jwī tūi jumna caá. Pánihna, jāap dooná chah tūini caá ā jumap. ¹⁰Būū lāa Jesucristoíh dooná jwiítidih búdí yeh iigní dée ā jumna caá. Obohjeéhtih, Moisésdih Dios ā daác wūhni wutat jwiítidih yeh iigcánni dée ā jumna caá.

¹¹Caán wutatdih ā wūhuchah, búdí yeh iigát maátcanjeh āt jum jwuhup wut jī. Pánihat pah, caán wutat tūini jumna yuhna, būudní pínah āt jumap tajī. Obohjeéhtih, Jesucristoíh tūini doonáboó ā būudcán níft. Búdí yeh iigát ā jumuchah yuhna, máa wutatji būudní pínah āt jumap tajī. Pánihna, būudcánni pínah jāap doonádih ā wūhuchah, chah búdí yeh iigát dée ā jumna caá.

¹²⁻¹³Moisés áh mót yeh iigát ā baáj jwúub bejchah, yégueh chóojīh āt jāhap wut jī, queét Israel juimená ī encat pínah niijná. Obohjeéhtih, jwiítboó nin būudcánni dooná chah iigní dée ā jumuchah jéihna, tíccanjeh, yooobpdih jwī naóhna caá.* ¹⁴Queét Diosdih joihcan, íh jengah joyátdih jāhat dée ā jumuchah, Moisés ā daacátjidih ít beh joicáp wut jī. Būū páantjeh caán daacátjidih í en naáwáchah joiná yuhna, bífc yooobó ī jéih beh joicán caá. Cristodih jwī jepahachahjeh, caán jāhat déedih ā

yohna caá. ¹⁵Yeebdíh wā jwúub naóhna caá. Būubut queét Israel juimená jwī Maáh Cristodih jepahcan, Moisés ā daacátjidih páantjeh í beh joicán caá. ¹⁶Obohjeéhtih, det jwī Maáhdih jepahnitdih caán daacátjidih Jesúsboó ā tūi beh joyána caá. ¹⁷Jwī Maáhdih jepahnitdih Tūini Espírītu ā jumna caá. Pánihna, jwiít Tūini Espírītu jumntidih Diosboó wēi ennit, “Queét yeejat peéh chājat wihcannit caá”, ā niijchah joinít, “Moisés ā wutatjidih jwī tūi jepahcatji peéh jwiítidih ā wihcan níft”, jwī níj jéihna caá. Pánih jumna, jāhat dée wihcah, Diosdih tūi jéihnit, jwī úum úúbhcan caá. ¹⁸Jwiít Cristoíhwā móot jāhat dée wihcan, “Caánboó chah tūini caá”, jwīpí níj jengah joiná caá. Páant níj jengah joinít, ā weñat pínahdihjeh chājna, caán ā jumat pahjeh jumat tūut niijná, yeó jāap jumat pah tūi tūut nūumná caá jwī chājap. Jwiítidih Tūini Espírītu ā teo wáacachah, jwī tūi tūut nūumná caá. Pánih tūinidih jwī tūut nūumáchah ennit, “Queét chah tūi jengah joiná caá ī chājap”, bitaboó jwiítidih ī níj jengah joibípnā caá.*

Jesúh doonádih naóhnit ded pah í jumat

4 ¹Tūini Espírītu teo wáacni jumna, Dios weemdíh oinit, áh jāap tūini doonádih ā bohé jibat tūutap jī. Pánih bohéna, bita weemdíh yeejép í chājachah, jígahna yuhna, wā bohé cádahcan caá. ²Ded pah wā bohéátdih nihát ī jéihyat pínah niijná, wāpí bih bohécan caá. Nihat joinít í tūi beh joyát pínah niijná, yeeceanjeh, áh tūini doonádih yooobpdih wāpí bohéna caá. Dios weemdíh wēi ennit, “Pablo ā tūi bohéna caá”, ā niijná caá. Bitabut wā bohénachah joinít, bífc yooobó ípí niijná caá. ³Obohjeéhtih, bita iiguípnā bejnit pínah jumna, jāhat dée ā jumuchah, wā bohéátdih í beh joicán caá. ⁴“Cristo chah tūini Maáh ā jumna caá”, jwī níj bohénachah, Diosdih jéihcannit í maáh, Şatanás queétdih ā beh joyát tūutcan caá. Áh yeh iigátdih jāhat dée pah caá queétdih ā chājap. Dios ded pah ā

* 3.7-9 Ex 34.29 * 3.12-13 Ex 34.33 * 3.18 Ro 8.29; Gá 4.19; Fil 3.10

jumatdih Cristojeh cáacwádhíh ā tūi beh joyána caá. Caán Cristo Dios yoobát caá. ⁵Pánih bohéna, “Weemdíh ñi weñeé”, niijcánjeh, “Jwí Maáh Jesucristoboodíh ñi weñeé”, wāpí niij naoh bohéna caá. Jwiít Jesúsdiuh oina, ñi maáh dée nihcan, yeebdíh teo wáacnitjeh caá jwí jumup. ⁶Jon játih Dios nihatdih chájna, “Dupúnapboó yeh iigát ā jummu naáh”, āt niijíp wut jī. Caanjéh jwíih caolihdih yeh iigát dée ā jummat túutna caá. Pánihna, Cristo, chah tūini ā jummatdih jéihna, Dios bíic yoobó tūini ā jummatdihbut jwí jéihna caá.*

Jesúhwa áih wēpatjīh ded pah ī chājat

⁷Weémboó wēpcanni, oboh jumni wáam dah dée wā jumuchah yuhna, Jesucristoih tūini doonádih wā bohé jibat pínah niijná, Dios weemdíh ā ñiwip jī. Oboh jumni wáam dah díftboó chah tūinidih jwípi yac ámohat dée wā bíbohna caá. Caán tūini doonádih wā naawáchah joinít, cáacwāboó ī tūut ñummná caá. “Oboh jumni, wēpcanni wā jumuchah yuhna, Diosboó chah wēpni jumna, búdí ā teo wáacachah, ī tūi tūut ñumup be”, wā niij jéihna caá. Bitabut, wēpcanni wā jummatdih jéihna, “Dios ā wēpatjīh ī tūut ñumup be”, bíic yoobó ī niij jéihna caá.

⁸Biquí láana weemdíh tūbit ī jūihñuchah yuhna, Jesúh tūini doonádih wā naóh cádahcan caá. Bihí láa ded pah Dios ā weñat pínahdih jéihcanjeh, “¿ded pah wā chājbi?” niijnít, búdí wā jenah joiná caá. Pánih búdí jenah joiná yuhna, weemdíh ā teo wáacachah, caandíh wā tūi jenah joí cádahcan caá. ⁹Bihí láa bita weemdíh eníhcan, Jesúh tūini doonádih wā naawát peéh, yeejép ī chájna caá. Páant yeejép ī chājachah yuhna, weemdíh cádahcanjeh, Dios ápi teo wáacna caá. Bihí láa ī wun mao jwejni yuhna, ā teo wáacachah, booni páantjeh wā jumna caá. ¹⁰⁻¹¹Nin baácboó Jesús ā jum jwuhuchah, cáacwā caandíh īt mao yohop wut jī. Pánihna, weembát nin baácboó jum jwuhna, Jesúsdiuh ī mao

yohatji pahjeh, áih tūini doonádih wā naóh jibat peéh, weemdíhbut ī mao yohíhna caá. Obohjeéhtih, Jesucristo weemdíh ā tūi wapachah, wā báadh jwuhna caá. Páant weemdíh ā teo wáacachah enna, “Jesúsboó báadhni, chah wēpni ā jumna caá. Caanjéh tigaa Pablodih wapni”, nihāt cáacwā ī niij jéihna caá. ¹²Weemdíh ī mawfíhchah yuhna, yeebboó wā naóhni doonádih joinít, Jesucristodih jepahna, Diosjéeh páantjeh ñi tūi jumnipna caá. ¹³Tūbit yeejép yapna yuhna, Jesucristodih wā tūi jenah joí cádahcan niít. Jon játih Davidbut yeejép ā yapachah, nin pah āt niij daacáp tají: “Diosdih tūi jenah joinít, ded pah ā naawátidih wā naóh yapanap be”, āt niij daacáp tají.* Á tūi jenah joyát pah muntih weembát jwí Maáhdih tūi jenah joinít, áih tūini doonádih wāpí naóh yapana caá. ¹⁴Pánihna, Jesúh tūini doonádih wā naawát peéh bita weemdíh ī mao yohochah yuhna, caandíh wā tūi jenah joí cádahcan niít. “Jesucristoih jumna, caandíh jwáub booaniboó weemdíhbut ā jwáub booabipna caá. Pánih booanít, weemdíh ñijeéh ā jumupboó ā waadát tūutbipna caá”, wā niij jéihna caá. ¹⁵Páant ā chājat pínahdih jéihnit, yeebdíh teo wáacat tūut niijná, yeejép yapna yuhna, wāpí bohéna caá. Wā bohéatdih dawá ñi joyóchah, yeebdíh oinit, Dios dawá iiguípna bejnit déejidih ā tūi ubna caá. Pánihna, dawá caandíh “Túina caá, Paá”, ī niij wēi naóhbpna caá.

¹⁶Páant jwiútdih ā chājat pínahdih náhninit, búdí wēina, Jesúh tūini doonádih wā yabh naóhcan caá. Yeó jáap jummat pah wíih bácah ā wēpca jūúwúchah yuhna, caandíh chah tūi jenah joiná caá wā chājap. ¹⁷Nin baácboó jwí jum jwuhuchah, yeejép jwí yapatdih búdí wā jenah joicán caá. Obohjeéhtih, Dios pehbboó jwí juibínachah, yeejép yapat wihcah, chah tūi wēinit jwí jummat pínahdih wā tūi jenah joiná caá. ¹⁸Nin baácboó jum jwuhna, dedé jwí enni buudní pínahjeh caá. Obohjeéhtih, Dios pehbboó jumnidih buu jwí jéih encah

* 4.6 Gn 1.3 * 4.13 Sal 116.10

yuhna, a buedcán niít. Pánihna, nin baácboó jwí ennidih búdí jenah joicánjeh, Dios pehbboó ded pah jwí jumát pínahdih wá túi wēi jenah joiná caá.

5¹Nihat nin baácboó jumni buední pínah a jumát dih jéihna, “Jwíih bácahbüt buední pínah a jumna caá”, jwí niíf jéihna caá. Jwí wunuchah, jwíih bácah a moópbična caá. Obohjeéhtih, jwí wunat túttimah, Dios jáap bácah jwiít dih a jwúwb wúhbična caá. Caán bácahjīh jwí jwúwb wuncan niít. “Pánih jumna, jáap bácahjīh Dios pehbboó jwí jumbična caá”, jwí niíf wēi jenah joiná caá. ²Nin baácboó jum jwuhna, tūbit yeejép yapna, biqú láana Dios pehbboó búdí wá jumíhna caá. ³Yégueh chóodih jwí dūwíhat pahjeh a wñhni pínah jáap bácahboodíh búdí wá páina caá. ⁴Buu nin bácahdih yohíhcan yuhna, jáap bácahboodíh wá páina caá. Nin baácboó jum jwuhna, wíih bácah a moopát pínahdih jéihna, Diosjeéh páantjeh jumát túat niijná, jáap bácah pínahdih búdí wá bidna caá. ⁵Dios jwiít dih jáap bácah a wéhat pínahdih játih át jenah joijíp taga. Pánihna, áih Túini Espíritudih jwiít dih a wúhuchah, caánboó “Yoobópdih jáap bácahdih meemdíh a wúhbična caá”, jwiít dih a niíf jenah joyát túatna caá.

⁶Pánt a chájat pínahdih jéihnit, éumcan, wá jíghacan caá. Buu nin bácahjīh jum jwuhna, Dios pehbboó wá bej jwuhcan caá. ⁷Pánih jumna, ded pah jwí yapat pínahdih jéih encan yuhna, Jesucristodih túi jenah joinít, “Á niijátji pahjeh wá túi yapbična caá”, wá niíf jéihna caá. ⁸Nin baácboó jum jwuhna, wá wunat pínahdih éumcanjeh, wēi jenah joinít, jáap bácahjīh jwí Maáh Jesucristojeéh búdí wá jumíhna caá. ⁹Pánihna, Dios pehbboó bejna, wá bej jwuhcanbüt, biíc yoobó jwí Maáh a weñat pínahdihjeh wá chájíhna caá. ¹⁰Japboó juibínit, jwiít nihat jwí Maáh Jesucristo pebhna jwí juibí nūhbična caá. Pánt jwí juibí nūhuchah, nin baácboó jumna, ded pah jwí chájatjidih enniji jwí maáh a níobipna caá. Pánt a níwichah, jwí jéih jweicán niít. Pánihna, biíc jwí

Maáh a weñat pínahdih a túi chájatji jíib, a túi wēi naóhbična caá. Obohjeéhtih, biíhboó a túi chájatji jíib, caandíh a wéican niít. Pánt jwí yapat pínahdih jéihna, jwiít dih túi chájat caá náahap.*

Dios jwiít dih a wēi enat

¹¹Dios ninboó ded pah jwí chájat dih enna, caán a weñat pínahdih jwí chájatji jíib a peéh chájbipna caá. Pánt a peéh chájat pínahdih éum yacna, búdí teo wáaquíhna, cáacwáidih wá wép bohéna caá. Pánih bohéna, búdí oinit, wá teo wáaquíhatdih Dios a túi jéihna caá. Pánihna, biíc yoobó ní jéihyat pínahdih yeebdíhüt wá náah yacna caá. ¹²Pánt niijnít, “Dedé jéihcat pínah weemdíh whican caá”, wá niicán caá. Obohjeéhtih, bitaboó í yee naawáchah joinít, “Nihcan caá. Pablo túi oinit, yoobópdih jwiít dih a bohéna caá”, ní niiját pínah niijná, páant wá niíf naawáp be. Queét í túi jíghatdihjeh wēi jenah joinít í jumna caá. “Nihat jwiít judíowá ded pah jwí chájatdih Pabloboó joyáh bojna, a bohéat túican caá”, í niíf naóhna yuh caá. Pánt niijnít, bita queétdih í wēi enat pínahdihjeh í jenah joyát a túican caá. Obohjeéhtih, ded pah íih caolih a jumát dih caá jenah joyát náahap. ¹³Biquína weemdíh júihnitboó “Pablo tūbit yóyah bohé jibna, jenah joicánni caá”, í niíf júihna caá. Obohjeéhtih, Diosdih búdí weñáihna, páant wá bohé jibna caá. Bitaboó weemdíh enfhcannit, “Pablo a jenah joyátjīh jeh a yee bohé jibna caá”, í niijná yuh caá. Obohjeéhtih, yeebdíh teo wáacat túat niijná, túi jenah joinít, yoobópdih wá bohéna caá. ¹⁴Cristo jwiít dih búdí a oyochah jenah joinít, caandíh jepahna, wá túi bohéna caá. Pánih oina, caán Cristo biícjeh jwí yéejat jíib buedáatdih a jíib cháj beedá wéhat túat niijná, jwiít dih át wun wúhup wat jí. Caandíh jenah joiná, “Wíih pínah caá át wun wúhjip taga”, niíf jenah joinít, jwiít nihat jwí yéejat jíib ájeéh wunnit paníhnit caá jwí jumup. Jwí yéejat jíib buedáatdih jíib cháj péanit paníhnit jwí jumna caá. ¹⁵Pánihna, Cristo nihat

* 5.10 Ro 14.10

cáacwā jwī yéejat jíib át wun wūhup wut jī, caandih jepahnit, jwī náahat pah chājnitji túut nūmñít, ā weñat pínahboodíh jwī chājat pínah niijná. Caán ā wunuchah yuhna, Dios át jwáub booanap tajī.

¹⁶Jwī Maáhdih jwī jepahachah, ded pah jwī jenah joyátdih ā túut nūmúp be. Játih nin baácdih bóodih jenah joinít, ded pah cáacwā ī jígohatdihjeh ennit, “Túinit caá. Yeejépwā caá”, jwī níj en jwuhup be. Obohjeéhtih, buu páant jwī níj jenah joicán caá, buca. Játih Cristodihbut pánih jenah joinít, “Caánboó cáacjeh caá”, wā níj jenah joyóp yuh jī. Būu caandíhbut páant wā níj jenah joyátjidih wā túut nūmúp be. ¹⁷Ded Jesucristodih jepahni, áih jumna, jenah joyát túut nūmñí ā jumna caá. Ded pah ā jenah joyát túut nūmñá, ded pah ā chājatbut túut nūmñí ā jumna caá. Játih ā weñat pínahdihjeh chājni ā jumup be. Būu, túut nūmñá, Túini Espíritu ā teo wáacachah, Dios ded pah ā weñat pínahboodíh chājni ā jumna caá, buca.*

¹⁸Jwiítjeh páant jwī jéih chājcah, Dios jwiítidih át túut nūmúp taga. Játih, Diosdih eníhcannit jum jwuhna, ájeéh jwī túi jum jwuhcap jī. Cristo ā wun wūhatjīh jwī eníhcatdih Dios át cádahat túutup taga, ájeéh jwī túi jummat pínah niijná. Pánih chājnit, jwiítidih bitadih át naáwát túutup be, queébtut caandíh ī eníhcatdih cádahnit, ájeéh ī túi jummat pínah niijná. ¹⁹Nin pah caá ā níj naáwát túutup: “Nihat yéejnit jumna, Diosdih eníhcannit jwī jumna caá. Jwiítidih búdí bidnit, Jesucristo jwī yéejat jíib ā wun wūhatdih jwī túi jenah joyóchah, áihwā chājnit, jwiítidih ā túi pej jumna caá”, ā níj naáwát túutup jī. ²⁰Pánihna, Jesúh jumna, cáacwádih nin pah wāpí níj naóh yapana caá: “Yeebbát Jesucristodih jepahna, túut nūmñít, Diosjeéh ní túi jumnú”, wā niijná caá. ²¹Jwī Maáh Cristoboó bícjeh yéejat wihcanni át jumup wut jī. Obohjeéhtih, ā yéej chājcah yuhna, Diosboó caandíh jwī yéejat jíib át wun wūhat túutup wut jī. Jwī yéejat jíib buadátdih Cristoboó át

jíib chāj beedá wūhup wut jī. Páant ā jíib chāj beedá wūhatdih enna, Diosboó jwiít Cristoíhwádih ennit, “Queétdih dedé yéejat peéh ā wihcan caá. Wā wūúhdih wēi enat pahjeh muntih, queétdihbut wā wēi enna caá, buca”, ā niijná caá. Pánihna, Cristoíhwā jwī jumuchah, Dios túini ā jummat pahjeh muntih jwiítidihbut ā túi jummat túutna caá.

6 ¹Dios yeebdíh búdí oinit, teo wáacna, ní yéejat peéh át yoh wūhup taga. Jwiít, yeebbát Diosdih teo wūhñit jumna, nindih yeebdíh wā naóhna caá: Áihwā jumna, yeebdíh wā bohéátjidih ní túi jepahaá. “Wā jepahna caá”, niijná yuhna, ā náahat pah chājcan, dedé pínah áta nihcan tagaá. Dios ā oyatdih yap yohñitjeh níta jum tagaá. ²Jon Játih Dios naáwátidih naóh yapani nin pah át níj daacáp tajī:

“Wā náahni yeó jáap yeebdíh búdí oina, ní wúbatdih jepahnit, wā teo wáacap jī. Pánih teo wáacnit, yeebdíh wā túi ubup jī”, Dios ā niijná caá”, át níj daacáp tajī. (Is 49.8)

Būu caá ā náahni yeó jáap ā jumup. Būu yeebdíh ā túi ubat pínah niijná, caandíh jepahat caá náahap.

Ded pah Pablo ā jummat

³“Bita wā bohéátidih ī jepahcan níit”, niijná, dedé yeejéj chājcan, yeejéj wāpí wéhecan caá. ⁴Túinijeh wāpí jumna caá, “Pablo Dios ā weñat pínahdihjeh chājna, caandíh túi teo wūhni ā jumna caá”, cáacwā weemdíh ī niiját pínah niijná. Dawá láa bita weemdíh yeejéj ī chājachah yuhna, weémboó íjcanjeh wā jumna caá. Dawá láa moh yéejna yuhna, wā bohé cádahcan caá. ⁵Nin pah caá yeejéj wā yapap: Cáacwā weemdíh ī mawachah; nemat muéboó ī nemechah; dawá íjnit, míc wáac jwinít, ī mao yohat túutuchah, yeejéj wā yapap jī. Weém búdí teona; quíib chei tubuchah yuhna, ūoca daa jūóhna; nūgúp wunna, yeejéj wā yapap jī.” ⁶Í náah chājatdih jenah joicán, wā túi jumna caá. Yeebdíh teo wáaquíhna, jwī maáih túini doonádih túi

* 5.17 Jn 3.3-7; Gá 6.15 * 6.5 Hch 16.23

jenah joinít, íjcanjeh, wā tái bohénap jí, ñi tái beh joyát pínah niijná. Yeebdíh tái oinit, wā bohénachah, Túini Espíritu yeebdíh ā teo wáacatjíh ñi tái jepahap jí. ⁷Áih túini doonádhíh naóhna, yeeceanjeh, Dios ā wēpatjíh wā bohénachah enna, caandíh teo wūhni wā jumatdih ñi tái jéihna caá. Yoobópdih Dios ā weñat pínahdih chājna, “Pablo yeejép chājni caá”, cáacwā weemdíh í jéih niijcán caá. “Dios ā náahat pah, túinijeh ñi jumáú”, bitadih wā niijíchah, wā tái jumatdih enna, “Pablo yee bohéna caá ā chājap”, í jéih niijcán caá. ⁸Biquína weemdíh í tái wēi enechah, bita í wēi encah yuhna, biquína í wēi naáwáchah, bita yeejép í naáwáchah yuhna, wā joyáh bojna caá. Yoobópdih wā bohénachah yuhna, biquína “Pablo yee bohéni caá”, í niij naóh yacna caá. ⁹Nihat cáacwā í enepboó wā bohénachah, weemdíh jéihna yuhna, biquína weemdíh enah bojnít, “Oboh jumnijeh caá”, í niijná caá. Bitá weemdíh í mawachah yuhna, wā báadh jwuhna caá. Í mao yohat túutachah yuhna, páantjeh wā jum jwuhna caá. ¹⁰Biquí láana jíghahna yuhna, Cristoíh jumna, páantjeh wā wēina caá. Moh yéejni jumna yuhna, bitadih túini doonádhíh bohéna, queédih búdí jíib jumni wūhat dée pah caá wā bohénap. Bífh pah bóonadhíh bíbohcan yuhna, Cristoíh jumna, búdí bíbohni dée pah wā wēina caá.

¹¹Yeéb Corinto táтчidih moondíh búdí oina, úmcan, tíccanjeh, ded pah yeebdíh búdí wā náah yacatdih wā tái naóh daác beedánap be. ¹²⁻¹³Yeéb wā weh panihnit ñi jumuchah, oinit, yeebdíh wā naóhna caá. Yeebdíh wā oi cádahcan caá. Obohjeéhtih, yeebboó weemdíh ñi oi cádahap jí. Pánihna, yeebdíh búdí wā oyat bífc yoobó weemdíhbat ñi jwúub oyot.

**Jesucristoíh nihcannitdih
ā pej jumat táutcat**

¹⁴Yeéb Jesucristoíhwā áihwā nihcannitboodíh ñi pej jumca bojoó. Túi pej jumnit pínah nihcán caá.

Nindih ñi tái jenah joyoó: Ded Jesúsdi h jepahni, táinidih ápi chājíhna caá. Obohjeéhtih, Jesúsdi h jepahcanniboó, yeejépdih ápi chājna caá. Pánih jumna, bícdih í jéih jumcan caá. Yeejép chājni tái chājíhni boodíh ā yeejabipna caá. Túi chājíhni yeejépdih ā jéih yap yohcan niít. Ded Jesúsíh jumna, ā naáwátidih ápi tái jenah joiná caá. Obohjeéhtih, Jesúsíh nihcanniboó nemépwā í maáh ā naáwáchah joinít, ded pah Dios ā jumatdih ā jéihcan caá. Queét chénat pah í jenah joyát mácah ā jumna caá. Pánih jumna, í jéih míic pej jumcan caá. ¹⁵Jesucristo Satanásjíh mácah míic í jenah joyát ā jumuchah, í jéih míic pej jumcan caá. Bífc yoobó Jesúsíhwā Satanáíhwájíhbat mácah míic í jenah joyát ā jumuchah, bícdih í jéih jumcan caá. ¹⁶Dios páantjeh jumni caá. Jwíít áihwā jumna, caandíhjuh wēinit, jwí jepahna caá. Bíhdih wēinit, jepahna, áta táican tagaá. Jwíít Jesúsíhwā áihwā nihcannitdih pej jumna, í wēi jepahnidih jwíítbat jwí wēi jepahat dée ā tobohna caá. Pánih jumna, yeéb Jesúsíhwā, Jesúsíhwā nihcannitdih ñi pej jumca bojoó. Dios báadhni jumna, jwíít Jesúsíhwā bícdih, áih mūú panihnit jwí jumna caá. * Jon játih ā naáwátidih naóh yapanit nin pah ít niij daacáp taji:

“Weémboó queédih tái pej jumna, í maáh wā jumbipna caá.

Queétboó wííhwā jumna, weemdíhjuh í wēibipna caá’, Dios ā niijná caá”, ít niij daacáp taji.

(Lv 26.12; Jer 32.38; Ez 37.27)

¹⁷Bitá naóh yapanitbat nin pah ít jwúub niij daacáp taji:

“Wííhwā nihcannitdih ñi cádahaa. Queédih ñi pej jumca bojoó. Íf náah í chájat déedih yeebboó ñi chájca bojoó. Páant ñi cádahachah, weémboó yeebdíh wā wēi enbipna caá. (Is 52.11)

¹⁸Pánih wēi ennit, ñi íp wā jumbipna caá. Yeébboó wā weh ñi jumbipna caá’, Chah Wēpni

* 6.16 1Co 3.16; 6.19

Maáh ā niijná caá”, it niifj
daacáp tajj.

(2S 7.14; 1Cr 17.13;
Is 43.6; Jer 31.9)

7 ¹Pániha, wā oinitá, nindih ñi túi
jenah joyoó: “Ñi yéej chājatdih ñi
cádahachah, yeebdíh wēi ennit, wā túi
pej jumbipna caá”, Dios ā niijchah joinít,
nihat jwí yéejatdih jwí cádah jíih. Dios ā
jígahat pínahdih chājihcan, yeejép jwí
jenah joyátidih cádahat caá náahap.
Pánih túut nuumnít, túi jenah joiná, ā
weñat pínahboodíh jwí chāj jíih.

Corinto tútchidih moón ī túut nuumát

²Weemdíh ñi jwúb oi jenah joyoó,
pánt muntih. Ñijeéh jumna, deddih wā
yéej chājcap jī. Bohéna, yeebdíh wā yéej
chājat túutcan, yeebdíh wā yee dúuc
wáicap jī. ³Pánt niijnít, “Pablodih jwí
túi oicatji jíib jwítdih peéh chājat ā
jumna caá”, yeebdíh niifj jenah joyát
túutcan, “Pablo túi chājni jíi”, wā niifj
jenah joyát túutna caá. Wā jwíih niijátji
pahjeh muntih, wā jwúb niijná caá:
Yeebdíh búdí wā oina caá. Pániha, ded
pah yapna, wunna yuhna, biíc yoobó
yeebdíh jenah joinít, wā oi cádahcan niít.
⁴“Queét Corintodih moón túi chājnit
jumna, wā naáwátidih ī túi jepahbipna
caá”, niifj jenah joinít, búdí wā wēina caá.
Pániha, yeejép yapna yuhna, yeebdíh
pántjeh wā wēi jenah joiná caá.

⁵Nin Macedonia baácboó wā juyúchah,
weemdíh chooát ā wihcap be. Pántjeh
yeejép wā yapap be. Dawá jūihnitboó
“Ma túi chājcan caá”, weemdíh ī niifj
jūihñap be. “¿Queét Corintodih moón wā
oinitboó ī túi jum niít?” niifj jenah joinít,
pántjeh yeebdíh búdí wā náhni
dahwanap be.* ⁶Obohjeéhtih, Dios jígahat
yayániboó weemdíh teo wáacnit, Tito wā
pebh ā juyúchah, weemdíh búdí ā
weñanap be. ⁷“Queét ī jwúb túi
jumatdih enna, búdí wā weñep be”,
weemdíh Tito ā niifj naáwáp be. Pánt ā
niifj naáwáchah joiná, weembát búdí wā
weñep be. “Queét Corintodih moón
Jesúhwa weemdíh búdí ī bidna beé. ‘Yéej

chājnit, Pablodih búdí jwí jígahanap
taga’, niifj jenah joinít, queébtut búdí it
jígahap wut be. Pánih jígahnit, ma daác
wahnidih ennit, it túi jepahap tabe”, Tito
weemdíh ā niifj naáwáchah joinít, chah
búdí wā weñep be.

⁸Wā jwíih daácnijidih wah péanit, “Nin
wā wēp naóh daacátjidih ennit, búdí ī
jígahbipna caá. Pánt wā wēp naóh
daáccan, āta túi taga”, niifj jenah joinít,
búdí wā jígah jwuhap jī. Obohjeéhtih,
bū ñi jígahat yayát doonádih joinít,
weembát wā jígahcan caá. ⁹Bū búdí wā
wēina caá. Ñi jígahat doonádih joinít,
wēina wā chājcan caá. Obohjeéhtih,
jígahnit, táiniboodíh ñi túut nuumát
doonádih joinít, búdí wā wēina caá. Dios
caá yeebdíh āt jígahat túutap taga, ñi
jenah joyátidih ñi túut nuumát pínah
niijná. Pániha, wā daác wahniboó
yéejcan, yeebdíh āt túi teo wáacap taga.
¹⁰Dios ā náah yacat pahjeh jwí yéejatdih
jígahna, yéej chājatdih jwí cádahbipna
caá. Pánih jígahna, jwí jenah joyátidih
túut nuumnít, táiniboodíh jwí chājipna
caá. Pánt jwí túut nuumúchah enna,
iiguípna jwí bejat déejidih Diosboó ā túi
hbbipna caá. Maátcanjeh jwí jígahna
yuhna, túi túut nuumnít, búdí jwí
wēibipna caá, būca. Obohjeéhtih, bitaboó
ī yéej chājat jíib queétdih Dios ā peéh
chājat pínahdih jígahna yuhna, túut
nuumíhcan, iiguípna ī bejbipna caá.
¹¹Yeéb Dios ā náah yacat pahjeh jígahnit,
ñit túi túut nuumáp taga. iNi jenah
joyoó! Nin pah caá ñi túut nuumát: Bū
jwuhna, ded yéej chājni ā yeejatdih enah
bojcanjeh, yoobópdih ñi túut nuumát
túutna caá. Ñi yeejép jenah joyátjidih
cádahnit, túut nuumnít, bū ñi tái jenah
joyátidih wā jéihyat pínahdih weemdíh ñi
náah yacna caá. Pániha, weemdíh ñi
wēi jenah joi jwúhcatjidih búdí ñit
jígahap wut be. Ñi yéejat jíib Dios ā peéh
chājat pínahdih búdí úmna, túi túut
nuumnít, weemdíh jwúb eníhna, búdí
ñit bidip wut be. Dios ā weñat
pínahdihjeh ñit chājap wut be. Det yéej
chājnitdih ñit peéh chājap wut be. “Bū,
queét yoobópdih chājnit caá. Dedé yéej

* 7.5 2Co 2.13

châjat peéh queédih â wihcan caá, buca”, wâ niŷ jenah joiná caá. ¹²Yeebdíh daác wahna, yéej châjnidih ñi peéh châjat pínahdih, â yéej châjatjidihbüt jenah joicánjeh wâ daác wahap jŷ. Obohjeéhtih, Dios yeebdíh enna, “Queét Pablodih yoobópdih oinit caá”, â niŷ jenah joyátidih ñi túi jéihyat pínah niŷná, wâ daác wahap jŷ. ¹³Páant ñi tút nuumátidih jéihnit, búdí wâ wéina caá.

Tito ninboó jwáub juiñit, weemdíh nin pah â niŷ wéi naáwáp be: “Queét Corintodih moón í túi tút nuumátidih ennit, wâ jŷgahatji â yayáh bejep jŷ. Pánihna, búdí wâ wéina caá”, â niŷjíp be. Páant â niŷjátidih joinít, weembút chah yeebdíh wâ wéina caá. ¹⁴Tito ñi pehbóó â bejat tút châjachah, nin pah caandíh wâ niŷjíp jŷ: “Queét Corintodih moón Jesúhwá nin wâ daác wahnidih ennit, í túi jepahbipna caá”, wâ niŷjíp jŷ. Pánihna, ñi túi jepahatjidih jéihnit, Titodih jwáub ennit, wâ tíccap be. Titodih wâ niŷjátji biíc yoobó át yapap wut be. ¹⁵Tito ñi pebhna â juibínachah, caandíh túi wéi jwááhnit, wâ daác wahatdih ñi túi jepahatdih náhnit, yeebdíh chah â oi jenah joiná caá. ¹⁶Buu túi jepahnit, Dios â weñat pínahdihjeh ñi túi châjatdih jéihna, túttimah biíc yoobó ñi jepahat pínahdihbüt wâ túi jéihna caá. Pánih jéihnit, búdí wâ wéina caá.

**Jesúhwá dinero wahnit,
moh yéejnitdih í teo wáacat**

8 ¹Buu wâ údwá panihnitá, bíh naáwát â jumna caá. Nin Macedonia baácdih jumni tútchinadih moón Jesúhwá míc wáacnit ded pah í túi châjatjidih yeebdíh wâ naóhbipna caá. Dios queédih oinit, búdí át teo wáacap taga. ²Queét tubit yeejép yapna yuhna, jwí Maáhdih túi jenah joí cádahcan, búdí í wéina caá. Pánih túi jenah joiná, tubit moh yéejnit jumna yuhna, íih dinerodih oicanjeh, bita chah moh yéejnitdih búdí í wáh wáacap jŷ. ³Weém ennijjeh tigua yeebdíh wâ naáwáp. Queét moh yéejnit yuhna, í bíbohat pah bóo í wáhp jŷ. Nihcan caá. Búdí pohba í wáhp jŷ. Í

náahatdih júb châjat pínahdihbüt í wáhp jŷ. Weémboó páant wâ wáhat tútcah yuhna, queétjeh jenah joinít, páant bóo búdí weemdíh í wáhp jŷ. ⁴“Judea baácdih moón Jesúhwá moh yéejnitdih búdí teo wáaquíhna, nin pah bóo meemdíh jwí wáhnidih queédih ma wáhuú”, weemdíh í niŷjíp be. ⁵Pánih wáhna, wâ jenah joyát chah í wáhp be. Íih dinerodih í wáhat pínah játih, “Paá, ded pah ma weñat pínahdihjeh yoobópdih meemdíh wâ cháj wáhbipna caá”, Diosdih í niŷjíp wut be. Páant í niŷját túttimah, “Dios â wutuchah joinít, yeéb Jesúh doonádih bohé jibnitboodíh ded pah ñi náahatdih jwí túi teo wáacipna caá. Ded pah ñi wutuchah, jwí jepahbipna caá”, jwiítidih í niŷjíp be. ⁶Nit Macedonia baácdih moón íih dinerodih í wáhatdih jenah joinít, yeéb Corintodih moondíhbüt wâ jenah joyóp be. “Niníh moón búdí í wáhat pah queébtút í wáhat pínahdih í ámoh páña naáh”, wâ niŷ jenah joyóp be. Páant niŷ jenah joinít, Titodih nin pah wâ niŷjíp be: “Meém íih dinerodih queédih mat wáh wáac jwíihat tútup wut jŷ. Pánih jwíihnit, nihát í wáh wáacni dinerodih ma jwáub ámohat tútat tút niŷná, í pebhna ma jwáub bej páña”, Titodih wâ niŷjíp be. ⁷Yeéb túi châjnit jumna, jwí Maáh Cristodih ñi túi jenah joiná caá. Á naáwátidih túi jéihnit, ñi túi naóh yapana caá. Caán â weñat pínahdihjeh búdí chájíhna, yeebdíh jwí bohéat pah túi oinit, bitadih ñi teo wáacna caá. Pánih túi châjnit jumna, íih dinerodih oicanjeh, moh yéejnit Jesúhwádhí teo wáaquíhna, biíc yoobó yeebdíh túi wáhat caá náahap.

⁸Páant niŷná, yeebdíh wátna wâ chájcan caá. Obohjeéhtih, nit Macedonia baácdih moón ded pah jŷgah ennit, moh yéejnitdih búdí í teo wáacatdih yeebdíh wâ naáwáp be, “Jwiítbüt búdí jŷgah ennit, queédih chah jwí wahbipna caá”, ñi niŷ jenah joyát pínah niŷná. Páant ñi wáhuchah enna, “Queét Corintodih moón bitadih túi jŷgah en teo wáacnit í jumna caá”, wâ jéih niŷjípna caá.

* 8.1-4 Ro 15.26

⁹Jwí Maáh Jesucristo jwiítidih búdí oina, á teo wáacatdih jwiítidih túi jenah joyát caá náahap. Nin baácboó á dei jūúwát pínah játih, Diosjeéh jumna, nihát maáh á jumuchah, caandíh dedé jwdhdát át wihjican tagaá. Obohjeéhtih, nin baácboó dei jūóhñit, á maáh wēpatdih cádahna, jwiítidih teo wáacat tút niijná, moh yéejni át jumup wut jī. Pánih teo wáacna, jwiítboó moh yéejnit jumna yuhna, ájeéh jwí jumuchah, jwiítidihbut dedé jwdhdát á wihcan níft. Pánih jígah ennit, á teo wáacatdih jenah joinít, jwiítidihbut bíic yoobó bitadih jígah ennit, teo wáacat caá náahap.

¹⁰Nin pah wá níj jenah joiná caá: Ñi jwíih jenah joyátji buu bíic jópchi á yapna caá. Con jópchi, nin Macedonia baácdih moón í jenah joyát pínah játih, yeéb Judea baácdih moón Jesúhwa moh yéejnitdih jwíih teo wáaquíh jenah joinít ñit jumup wut jī. Pánih teo wáaquíh jenah joinít, con jópchidih ñi wūhat pínah dinerodih ñit ámoh jwíhip wut yuh jī. ¹¹Pánihna, játih túi wēinit ñi teo wáac jwíihat pah, buubut bíic yoobó wēinit, ñi wūhat pínahdih wūh péaat caá náahap. Ded búdí dinerodih bíbohni chah á wūhu naáh. Obohjeéhtih, ded nump bíbohni bainí á wūhu naáh. ¹²Túí bíic yoobó wēinit, ñíih dinerodih oicanjeh, wūhat caá náahap. Pánih wēi wūhñidih Dios bíic yoobó á wēi enbipna caá. Obohjeéhtih, bíí dée wihcanniboodíh “Dinerodih ma wūhuá”, Dios á niijcán caá.

¹³Judea baácdih moón Jesúhwaádh yeebdíh wūhat túttna, “Queét Corintodih moón moh yéejnit í jumup naáh”, wá níj jenah joicán caá. Obohjeéhtih, yeéb, queébtut bíic yoobó ñi túi jumat pínah niijná, páant wá wūhat túttna caá. ¹⁴Buu yeéb búdí bíbohñit jumna, queét bíbohñitbut í jéih teo wáacna caá. Bíih láa, yeéb moh yéejnit ñi jumuchah, queéboó búdí bíbohñit, yeebdíhbut í jéih teo wáacpina caá. Pánih míic teo wáacnit, nihát Jesúhwa túi bíic yoobó jwí túi jumbipna caá. ¹⁵Jon játih Moisés nin pah át níj daacáp tajī:

“Chah búdí jeémát ojdih jái yacniboó á ubni yeó jáap á jeémát pínahdihjeh á bíbohob be. Bainíjeh ubñibut caán yeó jáap á jeémát pínahdihjeh á bíbohob be”, át níj daacáp tajī.*

Titowá Corintona í bejat

¹⁶Yeebdíh wá oi teo wáaquíhat pah muntih, Dios Titodihbut bíic yoobó oi teo wáaquíhat át wūhup taga. Páant á túi oi teo wáaquíhatdih ennit, “Túina caá, Paá”, wá niijná caá. ¹⁷“Corinto tútchidih moondíh jwūub enedih ma bejeé”, wá niijíchah joinít, “Júu, wá bejmi caá”, á níj wēi jepahap be. Caandíh wá naáwát pínah játih, yeebdíh búdí teo wáaquíhna, caanjéh ñi pebhna tub bejñni á jumup be.

¹⁸Caandíh pej jumni pínah bíih Jesúsdih jéihñidihbut ñi pebhna wá bejat túttna caá. Á pej jumni pínahdih nihát nin Macedonia baácdih jumni tútchinadih moón Jesúhwa búdí í wēi naóhna caá. “Caánboó Jesúh doonádih túi bohéni caá”, í níj wēi naóhna caá. ¹⁹Pánih wēi naóhñit, Judea baácboó wá bejchah, weemdíh pej jum bejni pínahdihbut caandíh í ñíwip be. Nihát yeéb Jesúhwa ñi wūh wáacni dinerodih jwí jwabí wūhuchah enna, “Queét bíih baácdih moón Jesúhwa jwiítidih oinit, dinerodih í wahachah, búdí ma teo wáacna caá, Paá”, Diosdih í níj wēi naóhñipna caá. ²⁰Ñi wūhni dinerodih jwí túi en daobípa caá. “Pablowá jwíih dinerodih yee déuc wáina caá ít chājap taga”, ñi níj jenah joicát pínah niijná, caán nihát túi wēi ennidih Titojeh wá wahna caá. ²¹Pánihna, jwí Maáh á enechah, bitabut í enechah, yoobópdih túi chājíhna, bíhdihbut Titojééh wá wahna caá.”

²²Titowá ñi pebhna í bejchah, bíhdihbut íjeéh wá wahna caá. Caanbút jwí Maáhdih jepahni, túi teo wūhni caá. Dawá láa bitadih túi oinit, á teo wáacachah, wá enep be. Yeebdíh túi jenah joinít, “Queét Corintodih moón Jesúhwa íih dinerodih í túi wūh wáacpina caá”, wá níj wēi naáwáchah

* 8.15 Ex 16.18 * 8.21 Pr 3.4

joinít, caanbút yeebdíh teo wáacadih búdí ā bejhna caá. ²³Nit caá ñi pebhna wā wahnit: Titodih ñi túi jéihna caá. Caán wā chéen caá. Jesúfhwádhíh wā teo wáacachah, caán wājeéh teoni caá. Bita chénewāboó ñi pebhna ājeéh bejnitdih ñi túi jéih jwáhcan caá. Queét chénat pah jwí Maáhdih túi teo wūhna, caandíh túi weñanit caá. Páant ī jumuchah enna, Jesúfhwā queétdih ī ñio wahap be. ²⁴Pánihna, ñi pebhna ī juibínachah, queétdih ñi túi oi pej jumúú. Páant ñi oi pej jumuchah enna, ñi oyatdih wā naáwátji bíic yoobó ā jumatdih bita Jesúfhwā ī jéihbipna caá.

9 ¹Judea baácdih moón Jesúfhwā moh yéejnitdih teo wáacat túut niijná, dinerodih wahat pínahdih yeéb játih ñitát jéih tagaá. Pánih jéihnít ñi jumuchah, bainíjeh wā jwáub naóh daác wahna caá. ²Yeéb bitadih búdí ñi teo wáaquíhatdih jéihnít, nihat Macedonia baácdih moón Jesúfhwádhíh búdí niij wēi naóhna beé wā chájap be. “Queét Acaya baácdih Corinto tútchidih moón Jesúfhwáboó con jópchi Judea baácdih moondíh búdí teo wáaquíhat ī jenah jói jwíihip jī”, wā niijp be. Páant wā wēi naáwáchah joinít, queébtut Jesúfhwā moh yéejnitdih búdí teo wáaquíhat ī jenah joiná caá. ³Dinerodih ñi ámohochah, ī teo wáacat pínah niijná, nit bíic peihcannit jwí éudwā panihnitdih bæ ñi pebhna wā wahna caá. Páant ī teo wáacachah, weémboó ñi pebhna wā juibínachah, ñi wūh wáac páini dinerodih ennit, yeebdíh wā naáwátji bíic yoobó ā jumatdih nihat ī jéihbipna caá. ⁴Biquína nin Macedonia baácdih moón wājeéh ñi pebhna ī juibínachah, ñi wūhat pínah dinerodih ñi bíboh páicah, wā naáwátji bíic yoobó ñi chájcatdih enna, búdí wata tíic tagaá. Yeebbút búdí ñita tíic tagaá. ⁵Yeebdíh ī teo wáacat pínah niijná, Titowádhíh ñi pebhna wā bej páñat túutna caá. “Moh yéejnitdih jwí teo wáacat túut niijná, nin pah bóo jwí wūh wáacbipna caá”, ñi niijnáji dinerodih ñi túi bíboh páñat pínah niijná, ī jéih teo wáacbipna caá. Páant ñi wūh wáac páñachah, ñi pebhna

wā juibínachah, yeebdíh jwáub wūhat túutat ā whican níit. Pánihna, ñi wēi wūhat pínahdih ñi túi bíboh páñaá.

Búdí wūhat caá náahap

⁶Nindih ñi túi náhninaá: Ded daocánnibitjeh ā momochah, daocánnijeh ā ubbipna caá. Obohjeéhtih, dawá momniboó dawá ā ubbipna caá. Páant ā chájat dée pah, moh yéejnitdih teo wáacna, jwíih dinerodih oinit, bainíjeh jwí wūhuchah, Diosboó jwíitdih bainíjeh ā wūhbiipna caá. Obohjeéhtih, túi wēinit, búdí jwí wūhuchah, Dios jwíitdihbut chah búdí ā wūhbiipna caá. ⁷Yeéb ñíih dinerodih ñi wūh wáacachah, túi jenah jói, “Nin pah bóo caá weemdíh jwí Maáh ā wūhat túútup”, niij jenah joinít, ñíih dinerodih oicanjeh, wēi wūhat caá náahap. “Bita weemdíh ī wūhat túútuchah, páant bóojeh caá wā wūhup”, niijcánjeh wūhat caá náahap. Bitā ī niiját pínahdih jenah joicánjeh wūhat caá náahap. Páant, ñi túi wēi wūhuchah, Diosboó yeebdíh ā wēi enbipna caá.” ⁸Ñi náahat chah Dios yeebdíh ā wūhbiipna caá, ñi bíbohátjih bitadih ñi túi teo wáacat pínah niijná. Páant ā wūhuchah, chah dawádhíh ñi jéih teo wáacbipna caá. ⁹Jon játih David nin pah át niij daacáp tají:

“Ded táiniboó moh yéejnitdih ā túi wēi wūhna caá. Páant ā wūhuchah, Dios caandíh ā jwáub wūhbiipna caá, páantjeh bitadih ā jwáub túi teo wáacat pínah niijná”, át niij daacáp tají. (Sal 112.9)

¹⁰⁻¹¹Dios jwí momat pínah, jwí jeémát pínahdihbut wūhni, * bitadih ñi wūhat pínahdihbut yeebdíh búdí ā wūhbiipna caá. Páant ā wūhuchah, bitadih chah ñi jéih teo wáacbipna caá. Dios yeebdíh chah ā wūhuchah, yeebboó túi wēinit, queét Judea baácdih moón moh yéejnitdih ñi wūhndih jwíitdih ñi wūh yapaat túutna caá. Páant ñi wēi wūhuchah enna, queét nihat Diosdih wēinit, “Queét jwíitdih ī teo wáacat téina caá, Paá”, ī niij wēi naóhbiipna caá. ¹²Túí

* 9.7 Lc 6.38 * 9.10-11 Is 55.10

wēi wūhñit, Jesúfhwādih búdí ñi teo wáacna caá. Páant ñi teo wáacachah, dawá Diosdih búdí í wēi naóhþipna caá. ¹³Páant ñi túi wēi wūhñichah enna, yeéb Jesúfhwā ñi jumatdih niहत cāacwā í jéihþipna caá. Bitá Jesúfhwā ñi túi chájatjidih ennit, “Paá, queéþbo Jesúfh túini doonádih naóhñitjeh niहcan, túi jepahñit caá. Pánih jumna, jwiítðih, bita míihwāðihþut teo wáacat túut niijná, jwiítðih túi wēinit íih dinerodih ít wahap taga. Páant í jumatdih meemðh búdí jwi wēina caá”, í niíf wēi naóhþipna caá. ¹⁴Queéþ Judea baácdih moón yeebðh jengah joinít, búdí oina, nin pah í niíf wēi naóhþipna caá: “Paá, queéðdih búdí oinit, ma túi teo wáacachah, queéþ jwuh jwiítðihþut búdí oinit, í túi teo wáacap be. Pánihna, jwiít niहतdih búdí oinit, ma teo wáacatdih túina caá”, í niijþipna caá. ¹⁵Dios búdí oinit, teo wáacat túut niijná, jwiítðih wun wūhñit, á túi ubat pínah niijná, á wūúh Jesúsdih át wah deyajip taga. Pánih wahna, chah túini á chájatjidih jengah joinít, “Búdí ma teo wáacatdih túina caá, Paá”, caandíh jwi wēi niíf jíh.

Pablo Jesús á naáwát túutni á jumat

10 ¹Buu nindih ñi náhninaá. Weém, Pablo, yeebðh jwíh bohénijeh tigaá. Obohjeéhtih, yeéb weemðh nin pah ñi niíf yeena caá: “Pablo ninboó jwíjeéh jumna, cāacwāðih úumna, jéih naóhcanni pah á jumna caá. Obohjeéhtih, bíaboó jumna, úumcanjeh jwiítðih jūih naóh daác wahni caá”, ñit niíf yeenap wut be. Cristo cāacwāðih oinit, teo wāaquihna, íjcan túinijeh naóhni át jumap wut jī. Páant túinijeh á naáwátji pah muntih weembát íjcan túinijeh yeebðh wā naóh daác wahna caá. ²Pánih íjcan túinijeh naáwíhna yuhna, yee naóhñitdih wā wēp naóhna caá. Ñi pebhna wā juibínachah, ñi túi chája chaáh, páant bóojeh, ñi yeeatðih ñi cádaahaá, “Pablo jwiítðih jūihná”, niijná. Ñi cáðh jumnit, weemðh nin pah í niíf yeena caá: “Diosdih jepahcannit í jengah

joyát bíc yoobó Pablobut á jengah joiná caá. Pánih jengah jói bohéna, Cristodih weñahñcan, á weñat pínahðihjeh á bidna caá. Pánihna, Cristo á naáwát túutni niहcan caá”, queéþ ít niíf yeenap wut be. Páant niijnítðih búdí wā jūihþipna caá. ³Diosdih jepahcannit míic naóhna, queéþ í jengah joyátjijeh chah ípí niijná caá. Obohjeéhtih, weembát cāacjeh jumna yuhna, queéþ í chájat pah weembo wā chájcan caá. Weemðh yeejép naóhñitdih Dios á wēpatjij caá chah wápi niijíp. ⁴Pánihna, Diosdih yap yohnitdih weém túi yoobópðih wā wēp naóhna caá, í yap yohatdih í cádahat pínah niijná. Pánih wēp naóhna yuhna, wā jengah joyátjijeh wā jéih cádahat túutcan caá. Obohjeéhtih, Dios á wēpatjij í yap yohatdih wápi cádahat túutna caá. Caandíh yap yohnit, í jengah joyát yeejép á jumatdih Dios á wēpatjij niहत cāacwāðih wā jéihyana caá, yeejép í jengah jói cádahat pínah niijná. ⁵“Nin pah caá Dios á jumat”, niíf yee naóhñitdih á wēpatjij wā cádahat túutna caá. Cāacwā Diosdih í jéihyat déedih jáhat panihnidih á wēpatjijeh wā jéih yohna caá. “Maá Jesús, weemðh ma túi teo wáacá, meemðh yap yohcanjeh, yeejép wā jwúub jengah joicát pínah niijná”, jwiít niहतdih niiját caá náahap. ⁶Ñi pebhna wā juibínachah, yeejép jengah joicánjeh, caandíh ñi túi jepahatdih enna, det jwi Maáhdih yap yohna, páantjeh yeejép jengah joinítboodih búdí wā peéh chájbipna caá. ⁷Yeéb wíih bácahdijeh ñi jéihna caá. Obohjeéhtih, wā jengah joyátboodih ñi jéihcan caá. “Weem caá Cristo á naáwátðih naóh yapaat túutni”, ded niijníðih nin pahþut niíf jengah joyát caá náahap: “Pablobut bíc yoobó á naáwátðih naóh yapaat túutni caá”, á niíf jengah joyó naáh. ⁸Obohjeéhtih, yeéb nin pah ñi niijná caá: “Pablo nin pah á niijná caá: ‘Corintodih moondíh Dios weemðh bohénadih á bejat túutap be’, niijnít, jwiítðih maáh dée á jumna caá”, ñit niijíp wut yuh be. Obohjeéhtih, á bohéat túutni jumna, wā túiccan caá. Dios beé ñi

* 10.4-5 Ef 6.11-17

pebhna weemdih ā bejat tūtutp be, āih tūini doonādih naóhna, yeebdih wā teo wáacat pínah niijná. Páant ā naawát tūtutni jumna, yeebdih yéejahcan, ñi túi jummat pínah niijná, āih wépatjih yeebdih wā bohénap jī. ⁹Pánihna, wēp naóh daác wahna yuhna, yeebdih úumaihcan, ñi túi tūtut nūmát pínah niijná, yeebdih wā daác wahap be. ¹⁰Biquína ñijeéh jumnit nin pah ít niijíp wut yuh be: “Pablo naóh daác wahna, úum náah jumna maáh dée pah tūb wépep ā wutna caá. Obohjeéhtih, ninboó jéóhna, oboh jumnijeh ā jumna caá. Pánihna, ā bohéni doonábut oboh naawátjeh caá”, ít niijíp wut be. ¹¹Páant ī niijíchah yuhna, ī niiját pah wā nihcan caá. Wā wēp naóh daác wahat pahjeh muntih, ñi pebhna juibínit, ñi túi tūtut nūmát pínah niijná, biíc yoobó wēp naóhni wā jumnipna caá.

¹²Biquína ñijeéh jumnit, túi jéihcan yuhna, “Bitā ī jéihyat chah jwiítboó jéihnit caá. Bitā Diosdih ī teo wūhat chah teo wūhnit jwī jumna caá”, ít niij míc weñep wut yuh be. Obohjeéhtih, páant niij wēina yuhna, túi jenah joicánnit, Diosdih túi teo wūhnit nihcan caá. Queét ī jenah joyát pah weémboó wā jenah joicán caá. ¹³⁻¹⁴Weém cáacwā ī maáh nihcan caá. Obohjeéhtih, jwī Maáh Jesucristo ā wutatdih jepahnit, caandih teo wūhnijeh caá. Yeebdih bohénadih ā jib bejat tūtutuchah, wā jepahap jī. Wā jenah joyátjeh nihcan, Diosboó weemdih ā wahachah, yap yohcanjeh, ā wutatdih wā jepahap jī. Páant ā wutatdih jepahnit, Jesúh tūini doonádih yeebdih jwíh bohéni wā jumup jī. Pánih jwíh bohéni jumna, weemdih wēp naawát caá náahap. Ded pah wā bohéat pínahdih jwī Maáh weemdih ā naawáchahjeh joinít, wāpí bohéna caá. Wā jenah joyátjehjeh wā bohécan caá. ¹⁵Yeebdih yee bohénitji ī wēi niiját pah, weémboó wā wēi niijcán caá. Bitā ī bohénitjidih ennit “Queétdih weémboó wā túi bohénachah, Cristodih ít jepahap taga”, wā niij wēican caá. Wā tewatdihjeh wā wēi naóhna caá. Yeebdih jwíh bohéni jumna, Cristodih chah ñi jenah joyát pínahdih wā náah yacna caá.

Pánih náah yacna, ñi pebhna jwáuh bohénadih wā bejihna caá. ¹⁶Pánih bohéni, jwī Maáh ā weñat pínahdih ñi túi chājachah ennit, biíh tútchinadih moondihbut bohénadih wā bejipna caá. Pánihna, ñíh baác yehboó bejnit, bitā bohé jwuhcannitboodih wā naóhbiipna caá. Jesúh doonádih joi jwúhcannitdihjeh naóhna, bitā ī bohénitjidih “Wā túi bohéatji jíib queét jwī Maáhdi h ī túi péna caá”, wā niijcán níft. ¹⁷Páant niijnít, jon játih Dios naawátidih naóh yapani nin pah át niij daacáp tají: “Weemdih dedé judhdát wihcan caá”, ī niijcá bojo naáh. Obohjeéhtih, ‘Jwī Maáh Dios, nihát jéihni, weemdih ā túi teo wáacap be’, ī niijí naáh”, át niij daacáp tají. ¹⁸Det queétjeh “Jwíit caá túi bohéni”, niij jenah joinítidih Dios ā wēi encan caá. Obohjeéhtih, “Caán caá túi bohéni”, jwī Maáh Cristo ā niijnfboodih Dios ā túi wēi enna caá.

Yeenit ī bohéat ā tobohat

11 ¹Ded ā túi chājatjidih bitadih ā wēi naawáchah, āpí túican caá. Páant naawát ā túicah yuhna, ded pah wā chājatdih bita yeebdih ī yeeatdih wā naóh yoobábipna caá. ²Weém jíi Jesúh tūini doonádih yeebdih wā jwíh bohéno jī. Dios yeebdih búdí ā oyat biíc yoobó weembút yeebdih wā oina caá. Pánih oinit, Cristodih jepah cádahcan, ájeéh bíicdih ñi jummatdih yeebdih búdí wā náah yacna caá. ³Obohjeéhtih, bita yeejép ī bohéatdih yeeb ñi joyát pínahdih búdí wā úum yacna caá. Jon játih mai pah jígohni Satanás Evadih búdí át yee naawáp wut jī. Páant ā yee naawátidih jepahnit, Eva Dios bíicdih mi jummatdih mit cádahap wut jī. Páant ā yeeatdih mi jepahatji dée pah muntih, bitaboo ī yee bohéatdih yeebút jepahnit, Cristodih ñi cádahíhatdih búdí wā úum yacna caá. ⁴Det wā bohéatji pah bohécan, “Jesús nin pah jumni caá”, niij yee bohénadih ñi pehbóo ī juibínachah, ñit wēi jwááhji tagaá. Yeebdih wā bohéatji biíc yoobó ī bohécan yuhna, ídépahnihna jenah

* 10.17 Jer 9.24 * 11.3 Gn 3.1-5; 13

joicánjeh, queétdih ñi jepah? “Nin pah caá Túini Espíritu ā chājap”, ī niŷ yee bohénachah, ñit joiŷi tagaá. Caandih wā naáwátŷi biíc yoobó ī naóhcah yuhna, ¿Dépanihna queéŷ yee bohénitboodíh yeeb ñi jepah? Jesúhŷ tání doonádih wā naáwát túttimah, ¿Dépanihna yeeb yee naóhnitboodíh ñi túi joi? Páant ñi chājachah enna, Cristodih ñi pée cádahat pínahdih wā ŷum yacna caá. ⁵Queéŷ yee bohénit “Jwiítboó Dios ā bohéat túttnit bita ā wahnit chah jéihnit jwí jumna caá”, ī niŷichah yuhna, “Weém Dios ā bohéat túttni wā jumuchah, weemdíh chah jéihnit nihcan caá”, wā niŷ jenah joiná caá. ⁶Tái wéheni nihcan yuhna, Dios naáwátđih túi beh joini caá wā jumup. Á naáwátđih wā bohénachah joinit, páant wā jumatđih yeeb ñi túi jéihna caá.

⁷Nindih ñi túi jenah joyoó: Yeebdíh Jesúhŷ tání doonádih bohéna, wāpí jíib ŷúbhcap jī. Páant wā bohéat jíib ŷúbhcanjeh, moh yéeni dée wā jumup jī. Pánih jumna yuhna, yeebboó moh yéejcanjeh, ñi túi jumat pínah niŷná, yeebdíh wā túi teo wáacap jī. Pánih teo wáacna, ¿yeebdíh wā túi chājcannit beé? ¿Weembát yeebdíh jíib wā niŷ jíih, queéŷ bita bohénitđih ñi wéi enat pah, weemdíhbut ñi jwúb wéi enat pínah niŷná? ⁸Obohjeéhtih, yeebdíh wā bohénachah, biíh tútchinadih moón dawá Jesúhŷwā ñijeéŷ wā jumat pínah niŷná, íih dinerodih weemdíh ī wúhup jī. Yeebdíh teo wáacat tútt niŷná, ī wúhni dinerodih nuumát dée wā chājap be. ⁹Ñijeéŷ jumna, bií dée bíbohcan yuhna, yeebdíh dinerodih wāpí ŷúbhcap jī. Jwí ŷúdwā panihnit Macedonia baácdih moón Jesúhŷwā ñi pebh wā jumuchah, nihat wā náahatđih ī ŷb juibínap jī. Páant ī ŷb juibínachah, yeebdíh dinerodih wā ŷúbh tac buugácap jī. Túttimahbut, yeebdíh wā ŷúbh tac buugácan niít.”

¹⁰Cristo yoobópdih ā naáwát pah, weembút áih jumna, yoobópdih nindih wā naóhna caá: Jesúhŷ tání doonádih jíib wihcanjeh yeebdíh wā bohéatđih búdí wā wéi naóhna caá. Biíc yoobó jíib

wihcanjeh wā bohéat pínahdihbut nihat íih baácdih moonđih jéihnit, páant wā wéi naáwátđih joinit, “Caán dée ápi chājcan caá”, ī niŷcan niít. ¹¹Yeebdíh dinerodih wā ŷúbhcatjídih jenah joinit, ¿ded pah tigaá ñita niŷ jenah joi? “Pablo jwiítđih jíib ŷúbhcan, jwiítđih ā oican niít”, ¿ñi niŷ jenah joi niít? Nihcan caá. Yeebdíh búdí wā oina caá. Páant wā oyatđih Dios ā jéihna caá. ¹²Jíib wihcanjeh páantjeh yeebdíh wā bohébiŷna caá, queéŷ yee bohénitboó “Pablo ded pah yeebdíh ā bohéat biíc yoobó caá jwiítbut jwípi bohéna caá”, ī yee niŷichah joinit, queétdih ñi joyáh bojat pínah niŷná. Queéŷ yee bohénit ī bohéatŷi jíib yeebdíh ípi ŷúbhna caá. Obohjeéhtih, weémboó wāpí jíib ŷúbhcan caá. Pánihatđih túi jenah joinit, mácah jwí jumatđih ñi túi jéihbiŷna caá.

¹³Pánih chājnit yoobópdih Jesús ā bohéat túttnit nihcan, queéŷ yeenitjeh caá. “Jwiít caá Jesús ā bohéat túttnit”, niŷ naóhna yuhna, ā wahnit nihcan caá. Páant niŷná, wā jumat dée pah ī jumíhup yuh caá. ¹⁴Pánihna, yeenit jumna, páant ī chājat pínahdih wáat jéihyep be. Yeejépwā ī maáh Satanásbut biíc yoobó ápi chājna caá. Dawá láa caanbút yeena, túini ángel, Dios ā wahnit pah ā míic jígohana caá. ¹⁵Satanás ā chājatđih jéihna, caandíh teo wúhnitbut “Jesús ā wahnit caá”, niŷ yeenit, Diosdih teo wúhnit pah ī jumíhatđih wáat jéihyep be. Túi chājcannit jumna yuhna, túi chājnit dée pah ī jumíhna caá. Pánihna, Diosboó nihat ī yeeatŷi jíib queétdih búdí ā peéŷ chājbipna caá.

Pablo yeejéŷ ā yapatŷi

¹⁶Buu jwuhna, ded pah wā jumatjídih wā wéi naóhbiŷna caá. “Pablo ā túi chājatjídih túb wéi naóhniabeh caá”, weemdíh ñi niŷ jenah joicáh, ā túimi nacaá. Obohjeéhtih, weemdíh páant niŷ jenah joiná yuhna, ded pah wā yapatjídih wā wéi naáwáchah, bainíbit ñi joi jwíhúú. ¹⁷Yeebdíh pánih naóhna, jwí Maáh Jesús weemdíh “Ma yapatjídih ma naáwá queétdih”, ā niŷcáh yuhna, ded

* 11.9 Fil 4.15-18

pah wā yapatdih wā naóhbiḡna caá.

¹⁸Dawá bitaboó ded pah ī tūi chājatjidih wēi naóhna, weembát ded pah wā yapatjidih wā wēi naóhbiḡna caá.

¹⁹Yeébbóó “Chah tūi jéihnit jwī jumna caá”, ñi niḡ jenah joiná yuh caá.

Obohjeéhtih, yee naóhnitboó ī naáwáchah yuhna, ñi tūi wēi joiná caá.

²⁰Queét ñi maáta dée, yeebdíh búdí ī wutuchah, ñi tūi wēi joiná caá. Dawá láa ñíih dinerodih ī yee déuc wáina caá.

“Jwíit nihat jéihnit jwī jumuchah, jwíitdih ñi tūi weñeé”, ipí niijná yuh caá.

Biíh láa yeebdíh íjnit, ī mao tícana caá. Páant yeejép yeebdíh ī chājachah yuhna,

¿Dépanihna páantjeh queétdih ñi tūi jepah? ²¹Ñijeéh jumna, “cáacwáidih éumni”, ñi niijní, queét ī chājat pah

weémboó wā chājcap be. Páant wā chājat pínahdih wā éumatjidih naóhna, wā tícana caá.

Queét ī chājat pah chājcan yuhna, Jesús ā wahní wā jumatdih ñi tūi jéihyat pínah niijná, weembát ded pah

wā yapatjidih wā wēi naóhbiḡna caá.

²²Queétboó bita chah jéihnit jumíhna, “Jwíit judíowā jwī jumuchah, jwíitdih ñi

weñeé”, yeebdíh ipí niijíp wut be.

Obohjeéhtih, weembát judío mun tigaá. Queétboó “Jwíit Israel ā juimená, Dios ā

ñíonitji jwī jumna caá”, yeebdíh ipí niijíp wut be. Obohjeéhtih, weembát

Israel ā juima mun tigaá. Queétboó “Jwíit Abraham ā juimená, ‘Yeebdíh wā

tūi chāj wāhbiḡna caá’, Dios ā niijnítji caá”, yeebdíh ipí niijíp wut be.

Obohjeéhtih, weembát Abraham ā juima mun tigaá. ²³Queétboó “Cristodih teo

wáhnit jwī jumna caá”, yeebdíh ipí niijíp wut be. Páant ī niijíchah joinít,

nin pah yeebdíh wā niijná caá: “Weembát Cristodih teo wáhní mun

tigaá. Weém caá bácah queét ī tewat chah búdí teoni”, yeebdíh wā niḡ

naóhna caá. Páant niḡ naóhna, páantjeh jenah joicánnit ī wéheat pah naóhna

yuhna, wā tíccan caá. Queét ī teo wáhat chah Cristodih wápi teo wáhp

be. Jesús tūini doonádih wā bohéatji peéh dawá láa nemat muáboó weemdíh

ī nemep jī. Dawá láa weemdíh ī puñup

jī. Dawá láa cáacwā weemdíh ī mao yohíhip jī. Páant ī mao yohíhichah,

weém yeejép wápi yapar jī. ²⁴Cinco láa jwíit judíowā jwī maáta weemdíh it

tewat tūtup tají. Weemdíh ī tewat jummat pah, tubit yéej chājnitdih momo

jiwi chóo cóoh jumni tōpnajíh ī puñat biíc yoobó treinta y nueve láa weemdíh

ī puñup jī. ²⁵Biíc peihcanni láa Romanowā weemdíh teonit, máa

doóbbhajníh ī puñup jī. ²⁶Biíc láa weemdíh mawíhna, jeejíh ī yohop jī. ²⁷Biíc

peihcanni láa búdí jāáj chóojíh jib bejna, jwí daabáp jī. Biíc láa daabnit,

máa naadíh teonit, búdí muj tacdih pah daa jūóh, caán yeó jāap pah táah bej,

jwíub pah tūo bejat dée wā jumuchah, ī ubup jī. Pánihna, caán láa, wā wuníhip

jī. ²⁶Dawá láa Jesúsíh tūini doonádih bohénit, yuúp wā jib bejep jī. Pánih

bohé jibnit, búdí yeejép wā yapar jī. Biíh láa tobohni mujnadih wā bejep jī.

Biíh láa namáboó jib bejehchah, bií déedih chewe mao déuc wáyat dée ā

tobohop jī. Biíh láa wā déewájeh weemdíh ī yéejahip jī. ²⁷Biíh láa judíowā

nihcannitbut weemdíh ī mawíhip jī. ²⁸Tátchinaboó, tátchi wihcapboó, búdí

mujboobút wā jumuchah, wunat dée ā tobohop jī. Biíh láa “Jwíit Jesúsíh wā

caá”, niḡ yeenit, ī mawat dée ā tobohop jī. ²⁷Jesúsíh tūini doonádih bohéna, búdí

wápi tewep jī. Pánih teona, dawá láa éocanjeh wā bohé daa jūúwáp jī. Dawá

láa jeémát wíhcah, muéup tubuchah, tubit taca jootóchah, búdí yeejép wā

yapar jī. Dawá láa dawat pínah yéguehbut wíhcah, búdí cábuchah,

yeejép wápi yapar jī.

²⁸Pánih yeejép yapna, páant bóojeh át nihcap jī. Yeó jāap jummat pah nihat

Jesúsíh wā “caandíh cádahna”, niijná, búdí wápi náhni dahwana caá. ²⁹Biíc Jesúsíh ā

tubáp chūúúchah, weembát tubáp chūúhni pah wā jumna caá. Bitá

Jesúsíhdih ī yéej chājat tūutuchah enna, queét yeejépwáboodíh búdí wā íjna caá. Pánihna, yeéb nihat Jesúsíh wā, wā weh

* 11.23 Hch 16.23 * 11.24 Dt 25.3 * 11.25 Hch 16.22 * 11.25 Hch 14.19

* 11.26 Hch 9.23 * 11.26 Hch 14.5

dée ñi jumuchah, yeebdíh úum yacna, yeejép wápi yapna caá.

³⁰Páant yeejép wá yapatjidih wēi naóhna, ded pah wá túi chájtjidih yeebdíh wá wēi naóhcan níit. Obohjeéhtih, wá wēpcatjidih yeebdíh wá wēi naóhbpina caá. ³¹Páant wá naáwáchah joinít, “Yoobópdih caá páant ā niiját”, Dios ā niij jéihna caá. Caán caá jwí Maáh Jesucristo íp. Pánihna, yeó jáap jumát pah “Paá, meemjéh nihát jéihni, chah wēpni caá”, túi wēi niiját caá náahap. ³²Weém Jesucristodih wá jwíh jepahat túttimahbitjeh, Damasco tútchiboó wá jumuchah, caán tútchidih moón í maáh, Aretas nump jumni, weemdíh át tewart tútutp wut jí. Pánihna, nihát Damasco tútchi wáihyat júdu jēcnadih áih soldadowádhíh át páñat tútut wut jí, wá bac bejehah í tewart pínah niijná. ³³Páant í páñachah enna, wá chéenwá búdí wuhdih weemdíh waadát tútutnit, wáihyat júduhíh jumni mué enat jēcmant í cádah deyanap jí. Pánih cádah deyanit, í teo wáacachah, moh yeejni wá jweyép jí.*

Pablo oo jumát dée ā enat

12 ¹Buu weemdíh ded pah biíh ā yapatjidih wá jwúub naóhbpina caá. Queét yee bohénitboó “Jwíítjeh caá oo jumát dée jígohtidih enna, chah jéihnit jwí jumup”, í niij naóhna yuh caá. Obohjeéhtih, jwí Maáh weemdíhbut oo máh enat dée pah ā jígohop jí. Páant ā jígohtjidih yeebdíh wá naóhbpina caá. Ded pah weemdíh ā jéihyaatdihbut wá naóhbpina caá. ²⁻³Catorce jópchi játih Dios weemdíh japboó ā ub púuh laab béjep jí. Ded pah ā ub púuh laab béjatjidih wá jéihcan caá. Wíih bácahdih, wíih caolihdihjeh ā ub bej déeji oo jumát pah enatjidih, wá jéihcan caá. Diosjeh caá ā jéihyep. ⁴Á pehbhoó, Paraiso wūt jumupna juibínit, ā naáwáchah wá joyóp jí. Jwíít cáacwájeh jwí jéih naóh buujácat déedih wá joyóp jí. Páant caandíh wá joyóchah yuhna, weemdíh ā jwúub naóh yapaat tútutcap jí.

⁵⁻⁶Páant weemdíh ded pah ā yapatdih wēi naáwíhna yuhna, weemjéh ded pah wá jumátidih wá wēi naóhcan níit. Obohjeéhtih, yoobópdih ā jumuchah, wá jwúub naáwáchah nihna, áta túi taga. “Pablo táini oo jumát dée pah enna, Jesús ā wahní nacaá”, ñi niij weñatdih yeebdíh wá náah yaccan caá. Obohjeéhtih, ded pah wá chájtjidih, ded pah wá bohéátjidihbut jenah joinít, “Pablo jwí Maáh ā bohé jibat tútutni caá”, ñi niij jéihyatdih wá náah yacna caá. Weemjéh wēpcanni wá jumátidih ñi jéihyat pínah niijná, buu ded pah biíh wá yapatjidihbut yeebdíh wá naóhbpina caá. ⁷Chah táini oo jumát déedih enna, “Weém caá bácah chah jéihni”, wá niij jenah joyát weemdíh ā tobohna caá. Páant ā tobohát pínahdih jéihna, Dios Satanásdih weemdíh yeejép át yapat tútutp taga, “Weemjéh wēpcanni caá”, wá niij jenah joyát pínah niijná. ⁸Pánih jumna, biíc peihcanni láa jwí Maáh Jesúsdi chah yeejép yapatdih ā yohat pínahdih wá wéubup yuh be. ⁹Obohjeéhtih, weemdíh nin pah ā niij jepahap be: “Caandíh wá yohcan níit. Obohjeéhtih, caandíh yohcan yuhna, meemdíh búdí oinit, wá túi teo wáacbpina caá. Pánih wēpcannijeh jumna, wá oi teo wáacat pínahdih chah ma bidbpina caá. Pánihna, meemdíh búdí wá teo wáacachah ennit, wá wēpatboodíh nihát cáacwá í jéihbpina caá”, Jesús weemdíh ā niij jepahap be. Páant ā niijáchah joinít, wá wēpcatdih wá wēi naóhbpina caá, ā wēpatjéh weemdíh búdí ā teo wáacat pínah niijná. ¹⁰Páant tigaá Jesúh wá jumát jíib yeejép yapna, búdí wá wēina caá. Bitá weemdíh yeejép í wéhenachah, yeejép í chájachah, í jíghanachah, dedé biíh weemdíh yeejép ā yapachah yuhna, wápi túi jumna caá. Pánih wēpcanni wá jumuchah, Jesús ā wēpatdih chah búdí bidnit, “Weém jéihcanni wá jumna yuhna, ā teo wáacatjéh wá túi buujábipna caá”, wá niij jéihna caá.

* 11.32-33 Hch 9.23-25

**Corinto tútchidih moondíh
búdí ā jǐgahat**

¹¹Bitá weemdíh yeejép ī naawáchah joinít, yeebboó queétdih ñi naóh bóod chũñuchah, āta túi tagaá. Obohjeéhtih, páant ñi niijcáh, weemjéh yeebdíh wá míic wēi naóhna caá. Weém oboh jumni dée wá jumuchah yuhna, queét yee bohénit “Jwít caá bácah Dios ā bohéat túttnit”, niijnítboó wá chah ī jumcan caá. ¹²Nijeéh wá jumuchah, Dios ā naawát túttni wá jumatdih júutíhna, ā wēpatjǐh weemdíh búdí āpí teo wáacap jǐ. Páant ā teo wáacachah, dawá láa wunnitdih booanit, nemépwádhíbut wá yohop jǐ. Pánih chájnit, jwít cáacwá jwí jéih chájca naáhdih ā wēpatjǐh wá cháj júutur jǐ. Weemdíh enhcannit ī yéejahhichah yuhna, wá chũná yuhna, wá teo cádahcap jǐ. ¹³“Pablo jwíjeéh jumna, bíh tútchidih moondíh ā túi chájat pah jwítidih ā túi chájcap jǐ”, ýeéb ñi niij jenah jói níit? Nihat tútchidih moondíh bíic yoobó wápí túi chájna caá. Obohjeéhtih, yeebdíh wá wíih pínah dinerodih wá úbh tac bũgácap jǐ. ¿Pánih úbh tac bũgácan, yeebdíh wá yéej chájnit jǐ? Caán yeejép ā jumuchah, wá jǐgahna caá. Caán yéejatdih weemdíh ñi yohóo.

Ī pebhna ā jwáub jib bejat pínah

¹⁴Nin wá naawát pínahdih ñi túi joyoó: Chéne láa juibíniji bũ ñi pebhna jwáub bejat tút caá wá chájap, páant muntih. Ñi pebhna juibínit, yeebdíh wíih dinero pínahdih con láa wá úbhcatjǐ pah, bũ láabut wá úbh tac bũgácan níit. Níih dinerodih náahcan, Jesúsdih túi joinít ñi jumt caá yeebdíh wá náah yacap. Wébit ī mána ī náahatdih wáhnit pínah nihan caá. Obohjeéhtih ī mána caá queét wébitoodíh ī náahatdih ipí wúhup. Páant ī chájat pah yeeb wá weh paníhnit ñi jumuchah, wá náahatdih yeebdíh wá úbhcan níit. ¹⁵Ñi íip paníhni jumna, yeebdíh búdí oinit, nihat wá bíbohahatdih wēi wáhnit, yeebdíh wá teo wáaquíhna caá. Pánih teo wáaquíhna, búdí chũná yuhna, wá teo cádahcan níit. Páant yeebdíh chah wá

oyochah yuhna, ýeéb weemdíh nump ñi oi níit?

¹⁶“Pablo jwíjeéh jumnit, áih pínah dinerodih āpí úbh tac bũgácap jǐ”, ñi niij jéihna caá. Obohjeéhtih, biquína ñijeéh jumnit weemdíh nin pah ĩt niij jenah joi tagaá: “Jwíh dinerodih moh yéejnitdih ā wáh wáacat túttnit, jwítidih jéihcha dúuc wániabeh tagaá”, ĩ niij jenah joiná caá. ¹⁷Páant ĩ niiját pahjeh chájni jumna, ¿ded pah tígaa caandíh wáta nih cháj? ¿Ñi pebhna wá wahnitdih nit beé yeebdíh wá jéihcha nũmát tútutur? Páant wá chájcap jǐ. ¹⁸Játih Titodih ñi pebhna bejat túttnit, bíh Jesúfhíhbut ájeéh wá pej jum bejat tútutur jǐ. Páant ñi pehbboó juibínit, ¿Tito yeebdíh ā jéihcha nũmnit jǐ? “Nũmcaní caá”, ñi niij jéihna caá. Jwít chénat pah bíic yoobó jwí maáh ā weñat pínahdih chájnit caá. Pánih jumnit, yeebdíh oinit, túinijeh ā chájat pah, weembát bíic yoobó yeebdíh túinijeh wápí chájna caá.

¹⁹Páant wá jáh niijchah joinít, ¿ded pah ñita niij jenah jói? “Caandíh jwí wēi niiját pínahdihjeh caá ā bidip”, ¿ñi niij jenah jói níit? Obohjeéhtih, weém Cristoih jumna, Dios weemdíh ennit, “Ma túi chájna beé”, ā wēi niiját pínahdihjeh caá wá náahap. Yeebdíh teo wáaquíhna, ded pah wá chájatjǐdih wá naóh beedánap be, jwí Maáhdih chah ñi túi jepahat pínah niijná. ²⁰Ñi pehbboó wá juibínachah, wá náah yacap pah ñi chájcah, búdí yeebdíh wá úm yacna caá. Páant ñi túi chájcah, caanná juibínit, weembát yeeb ñi náah yacap pah wáta chájcan tagaá. Pánihna, yeebdíh búdí wá jenah joiná caá. ¿Páantjeh ñi míic júih níit? ¿Páantjeh bitaíh bíi déedih ñi en ñinah íj níit? ¿Búdí ñi míic íja níit? ¿Biquína páantjeh íih pínahdihjeh bid níit? ¿Bũhbut páantjeh bitadih ñi yee naóh níit? ¿Yeejép dooná ñi jumatdih ñi cádah jwuhcan níit? ¿“Weém nihat jéihni caá”, páantjeh ñi míic wēi niij níit? ¿Túbit ñi míic en naóh cádah jwuhcan níit? ¿Yeeb biquína ñi jenah joyátdihjeh níit ñi chájap? Yeeb páant ñi chájatdih wá úm yacna caá. ²¹Pánihna, ñi pebhna juibínit, ñi tút nũmcatdih wá enechah,

Dios weemdíh áta tícat túut tagaá. Jon játíh yéej chājnitji dawá páantjeh í yéej chājatdih cádahcah enna, búdí wáta jígah taga. Í náah chājat, yeejép chājíhah jenah joyát, í náahat pahjeh chājatdihbut í cádahcah enna, búdí wáta jígah taga. Páant ñi chājatdih páant bóojeh ñi cádahaá, caanná juibínit, wá jūihcat pínah niijná.

Pablo ā pée naáwát

13 ¹Jon yeebdíh chéneji juibí enniji buu bejna, bíc peihcanni láa bejat túut caá wá chājav. Pánihna, ñi yéej chāj cádahna, túiniboodíh túut nuumnít, weemdíh ñi túi pánaá. Ñijeéh jumnitdih í yéej chājatdih cádahat túutnit, Moisés nin pah ā niij naóh daacátjidih ñi túi náhninaá: “Deddih ñi peéh chājat pínah játíh, caán ā yéej chājachah ennit, chénewá, bíc peihcannit í enatji pahjeh í naáwá naáh. Páant moonjéh í naáwát túttimah, ñi peéh chājachah, ā túibipna caá”, Moisés át niij daacáp tají.” ²Ñi pebhna wá jwúub juibí láa yéej chājnitdih nin pah wá niij naáwáp jí: “Ñi yéej chājatdih cádahnit, túiniboodíh ñi túut nuumú. Ñi cádahcah, jwúub juibína, wá peéh chājipna caá”, wá niijp jí. Páant wá niijátji pah, buu ñijeéh jumcan yuhna, queéť páantjeh yéej chājnitdih, yeéb nihatdihbut, wá jwúub naóhna caá. Páant bóojeh, ñi yéej chājatdih cádahnit, túiniboodíh ñi túut nuumú. Ñi pebhna juibínit, ñi cádahcatdih enna, búdí wá peéh chājipna caá. Yúup wá jumuchah, “ ‘Wá peéh chājipna caá’, niijná yuhna, ā peéh chājan níit”, ñi niij jenah joicá bojoó. ³Cristo ā naáwátidih naóh yapani wá jumatdih ā júutat pínahdih bidna, páant wépép weemdíh ā peéh chājat túutuchah enna, ñi jéihbipna caá. ¿Búdí ā wēpatjīh yeebdíh ā teo wáacatjidih ñi náhnican níit? Yeéb yéej chājnitdih ā peéh chājat pínahbut bíc yoobó wépép ā jumipna caá. ⁴Jwiít cáacwá jwí wēpcat pah Cristo wēpcanni jumna, cruzboó át wun wúhup wát jí. Pánih wunna yuhna, Dios ā wēpatjīh boo pud júóhniiji, buu páantjeh báadhni ā jumna caá. Cruzboó

ñuhna, wēpcanni ā jumat pah weembát wēpcanni wá jumna caá. Wá jenah joyátjīh yeebdíh wáta jéih teo wáacann tagaá. Obohjeéhtih, Cristo wájeéh jumna, Dios ā wēpatjīh yeebdíh teo wáacatdih wá juibíbipna caá.

⁵Yeéb múicjeh nin pah ñi múic niij úubh joyoó: “¿Ded pah wá chājatji? ¿Yoobópdih Jesúsdi h wá jenah joí níit? ¿Caán ā náah yacatdih wá túi jepah níit?” ñi múic niij úubh joyoó. Caandíh yoobópdih jenah joiná, ā náah yacatdih ñi túi jepahachah, Jesús ñíh caolihboó ā jumna caá. Obohjeéhtih, yoobópdih caandíh jenah joicán, ā náah yacatdih jepahcan, áihwá ñi nihcan caá. ⁶Weémboó caandíh túi jenah joiní, ā náah yacatdih jepahni wá jumatdih wá jéihna caá. “Weém Jesúsíh caá”, niij yeeni wá nihcan caá. Páant wá jumatdih yeebdíhbut wá jéihyaíhna caá. ⁷Ñi yéej chācat pínahdih náah yacna, Dios yeebdíh ā túi teo wáacat pínah niijná, búdí wá úubhna caá. Ñi pebhna juibínit, páant ñi yéej chājatdih wá enechah, weemdíh Dios yeebdíh ā peéh chājat túutcan níit. Páant ā peéh chājat túutcah, wá wēibipna caá. Obohjeéhtih wá peéh chācatdih ennit, “Pablo Dios ā wēpatjīh queéťdih peéh chājan, Dios ā wahni nihcan nacaá”, ñi niij jenah joyóchah yuhna, wá túi wēibipna caá. Dios weemdíh ā bohé jibat túutatjidih ñi jéihyat pínahdih wá náah yacna yuhna, yeéb ñi túi chājat pínahdih chah wá náah yacna caá. ⁸Ñi yéej chājatdih cádahnit, túiniboodíh ñi túut nuumátidih enna yuhna, yeebdíh wá peéh chājachah, yoobópdih áta nihcan tagaá. Pánihna, yoobópdih chājíhna, yeebdíh wá bohébipna caá, Dios naáwátidih túi beh joinít, chah ñi jepahat pínah niijná. ⁹Yeéb Cristodih ñi túi jenah joyóchah, Dios ā wēpatjīh yeebdíh peéh chājat ā náahcah, búdí wá wēibipna caá. Pánihna, Diosdih búdí wá úubhna caá, ā weñat pínahdih ñi túi chājat pínah niijná. ¹⁰Dios ā wēpatjīh yeebdíh peéh chājíhcan, ñi pebhna wá bejat pínah játíh wá daac wahna caá, yéej chājatdih

* 13.1 Dt 17.6; 19.15

cádahnit, ñi túut nuúm páñat pínah niijná. Dios ã wēpatjīh yeebdīh jīgahañcan, wāpí tūi bohéna caá, ñi tūi jummat pínah niijná.

Pablo ã péé túyat túutat

¹¹Buu wã úudwã panihnitá, yeebdīh wã túyat túutna caá. Cristodih chah jenah joinít, túinijeh ñi jumúú. Nin wã naóh daacátdih ñi tūi jepahaá. Cristodih chah jenah joyát pínahdih ñi míc teo wáacá, bícdih tūi jummat túut niijná. Páant ñi tūi jumuchah ennit, Dios ñijeéh ã jumvipna caá. Caán jwiít dih búdí oinit, míc oyat

túutna, jwiít bícdih ã tūi jummat túutna caá. ¹²Jesúfhwã jumna, ñi tūi wēi úúbú.

¹³Nihat ninjīh moón Jesúfhwābut yeebdīh búdí ī túyat túutna caá.

¹⁴Yeebdīh búdí wã úúbhna caá, jwí Maáh Jesucristo yeebdīh oinit, ã tūi teo wáacat pínah niijná. Dios búdí ã oyatdih ñi jéihyat pínah, Túini Espíritu ñijeéh ã jummat pínah, yeeb bícdih ñi tūi jummat pínahdihbut wã úúbhna caá. Pánih úúbhnit, yeebdīh búdí wã túyat túutna caá.

Páant bóojeh tigaá wã naáwát.

Pablo